



敦艮吉齋詩存卷二

合肥徐子苓西

叔

東城吳氏園多美樹歲薪之幾盡余時方束裝北

上伯筠約買數株因留信宿即贈伯筠

丁未

雲壑費經始出門即風塵風塵歸未期且作種樹人王
子頗好事助我興益振淩晨具畚鍤斟酌籬下春高者
簷西阿低者牆東垠肥瘠儼定壤錯處情逾親老竹喜
不孤掀風亦欣欣我車已載脂為君駐征輪折簡招飲
徒歡言醉良辰酒闌為君歌清淚忽沾巾茲樹久淹棄
分作貧兒薪不遇君輩知一例嗟沈淪

敦艮吉齋詩二

一

集虛草堂

梁園

凍林猶雪意日沒鮑昭臺仍是故鄉路誰知獨客哀依
人原虎尾行地孰龍媒三徑資無賴羞吟歸去來

小車歌

途中連日晴霽既渡淮車行益駛因勞以酒食

二備請余作歌戲為長句俾佐飲

縛席為屋空兩頭先生臥穩如乘舟長塗得公皆健者
動足萬里吾何憂隻輪私語水漫流重簾小開風句留
先生午夢清且幽夢入蘆花逐白鷗

四君詠

四君者吳江陳克家梁叔山陽魯一同通甫曲
阜孔憲彝敘仲平定張穆十洲皆當世奇俊魁
博君子也余數往來京師通人鉅公其旣繫籍
於朝非鄙人所敢論列而四君者都窮而在下
雖殊靜躁趣舍則同行次苦暑各志一詩時六
月中澣病憩任城

嶧陽產名材道器協天籟丹砂與空青胚胎出塵瑤句
吳山水幽秀毓斯人最十年覓瓊枝旣見有餘愛古風
蕩淫哇軼響起彫弊朱絃澀塵封俗耳競噍殺處順早
括囊引經儼蒼蔡相者方舉肥失之驪黃外

敦良吉齋詩二

二

集虛草堂

通甫倣儻姿材略龍川亞奮筆俯羣英原原述王霸白
雪和者稀青萍售無價行歌易水頭問年各悲吃威遲
病碧馱夢失瑤池駕狂飈捲疾裝訣語戀僧舍荒岑淮
陰城苔磯老堪藉翩翩七尺軀釣魚應多暇

延陵解劍後交道日以替空使晞髮生著錄寫幽涕敘
仲魯國英觥觥聖者裔紹聞詩禮澤蹕厲河朔氣相逢
杯酒閒立談見根柢義烈關性情文采實餘事孟公愛
王丹心折豈無自擊節釣鼇歌巨川望誰濟

蒲輪曠遐典草茅節難抗望之恥露索元輿羞板樣多
士習汶汶幾人識微尙悲哉晉陽彥一蹶緣用壯狂懷

託春醪睥睨萬夫上鳩媒信願領羣脫仍跌宕常山控
河海此士得真放七愛須替賢浩歌獨惆悵

長句戲簡葉中翰潤臣

是夕讀其
北來集

昨日對君飲兀坐移時默相向醉眼愁看冠帶狀今日
誦君詩幾次思君重惆悵絳雲白鶴詆蕩蕩露裏芙蓉
曉花放水仙姿飾不時樣案圖索馬世則爾媿死山人
亦皮相黑雲東來霹靂走笑把君詩不去手快筆能消
酒一斗官街鼓疾鳴嚴更虎坊橋畔燈火明西樓片月
傳高唱一夜馮君思洞庭

醉起書悶

敦良吉齋詩二

三

集虛草堂

通甫別我還山陽梁叔閒道歸胥塘季玉清齋守太常
補之日走中書堂孤館晝長但耽睡動地車音簫鼓沸
牆東棗花爛漫開一尊兀自成孤醉白日忽已沒利刃
不在手安得堆金齊北斗海內故人招要同聚首零落
天涯竟何有

將出都簡潤臣位西兩中翰兼寄何太史子貞

野性拙趨走客居恆閉關卷書坐忘永幽意儼在山葉
侯工古風冰雪瑩肺肝藹然忠孝姿勁氣中紆蟠邵子
老文律意苦顏不歡讀史寓碩畫銳欲謀治安宋明鬱
陶陶春糲浩已闕故園草木陰好鳥思我還顧瞻指斗

柄竝立以長歎
西山夜鬱律眾星垂煌煌
躡人易多感况乃辭帝鄉
太史世清德文采白鳳凰
余本飯牛人扣角頻歌商
美人工識曲感激烈士腸
肥津映湖流膏壤蕃稻梁
行當返初服永作識字毗
力田兼服賈亦足娛高堂
緬古媿無成願言惠周行
虛塔俯平郊跌坐西峰對
禪龕炷晚香泥佛支斷臂
殘陽光未盡野廓數星大
蛙鳴深澗幽虹飲孤村
曖火雲氣合沓龍虎變
荒怪縈青壘嶂趨浮白
新水望望故山遙目斷飛鳥外

敦良吉齋詩二

四

集虛草堂

鄒縣道中大雨旋止

烈風盪平野狼狽車徒奔疾霆翻巨海中塗曠無垠
我無擊水力跋浪思長鯤陰陽變俄頃霽色明天根
彎環雙雄虹雨氣怒欲吞沙碯路滑滑木杓波粼粼
回首嶧陽頂溼翠蟠歸雲

正道經峴山尋東平王馬諫議墓都不可得讀明尙
書昔遷謫雪隱表高躅賢王墓久穿死士壟全禿明命

公道每異代局外論常篤曉行東平州道旁碑可讀尙
書昔遷謫雪隱表高躅賢王墓久穿死士壟全禿明命

示黔首允爲來者告天運儼循環人生互貞黷悠悠利
達場幾人頻失足報國須薦賢媚疾禍尤毒倚依相君
勢殺將屬鏤酷一朝惡欲盡怪疾剝腸腹鴟質而鳳鳴
翻貽林磻辱驅車亂山下芳草夕陽綠蕭蕭白楊道行
歌問樵牧

乞丐行

是人非人鬼非鬼手脚皸瘃皮肉紫徧體腥臊掉泥水
老者如橐駝蹒跚行不起小者如獼猴立啼聒人耳大
風搏沙挾車走瘦日墮地車輪吼病軀髮禿肩戴首少
婦踵穿衣露肘團團竹筐何所有麥穗青青雜老韭車
敦良吉齋詩二

五 集虛草堂

晴嵐

晴嵐儘霏翁驢背得幽奇天豁秋毫見沙黏款段遲絮
雲翳遙嶺赭壁倚叢祠頓忘長塗苦敲詩旅店宜

山店題壁

微祿豈無願老親髮已蒼今宵嶧陽月正照讀書堂失
學憐宗武持家仗孟光夢歸渾不覺春草綠茫茫

板橋待渡

野榴花發明酒樓迴風吹水水逆流白石磊磊飲深澗
落月閃閃橫銀鉤田父叱牛煙柳外稚子采蘋言笑幽
褰裳欲渡渡不得多謝漁翁放釣舟

晚過壽州寄酬潘舍人補之都門

廉頗墓草仍春碧大暑征鞍又北來禾黍村連殘照淺
溪橋雲擁亂山開五噫自向吳門去九辨誰明宋玉哀
回首晴霄最親切故人高詠傍蓬萊

聞高謝塵喪歸

素輅遲迴問首邱失羣燕雀也啁啾羈魂應識還鄉樂
重壤難埋沒世憂同學幾人知叔度賢妻可解諡黔婁
寢門舊淚春衫透潛德無名來者羞

敦良吉齋詩二

六

集虛草堂

哭蔡布衣秋白

少微昨夜落瑤京鸚鵡才多性命輕自是虞翻無客弔
可知孫楚獨長鳴飛觴永罷松閒酌流水全銷匣裏聲
便與劉伶題墓碣酒人名字最崢嶸

澧水行寄韓山人

七月十八日夕檢閱山西張君十洲所撰其先

大父泗州公事輯適泗州韓山人使至公名佩

芳字蓀圃殖學力古爲政舉體要由縣令再轉

得泗州故令肥事佚失載詢之縣人無能道者

山入老而好事於賢刺史顛末當有所聞況公
有造於其州人者甚大便坳一詩相質州故虹
地其西南灘水經流余數往來因名之曰灘水
行

昔年送我灘水頭潼潼百里人煙愁篝燈斷葦同扁舟
看君哦詩老淚迺別來忽忽歲數週相思日逐灘水流
君州昔有賢刺史平定州人乾隆年開名進士初令歙
再令肥轉刺壽春莅灘水惜哉其人今已矣刺史有文
孫篡述具首尾我讀其書中夜長歎頻坐起天地產九
穀甌窶汙邪別生熟州民皆竄不事事刺史上書申大

敦良吉齋詩二

七

集虛草堂

吏四種五獲均地利君亦至今食其賜嗣書請免稅催
科政拙勤撫字不賦賣兒鬻女錢太息湖鄉久彫瘵再
論南門關繼論天然牖瘠土惟祈征權寬濬川須通溝
洫法舊坊不設水禍烈利網頻興元氣忝公雖儒者不
迂闊我欲徵文邑乘缺灘水長流相羊黃河高濁流驕
淮南木落水平湖北歸愁觸飛蝗蠱君家卒歲可有儲
足知吟興老未減訪勝應復攜尊壺偶馮歸羽一相問
謝墩寇竹今有無噫嘻呼謝墩寇竹今有無遲君報我
雙鯉魚

羅漢寺尋黃山人索畫不值因憩亡友嘯公精舍

愴然有作留簡山人

月轉禪扉老樹斜石幢薜蘿影交加一龕西竺高賢像
數筆南唐院本花淒切誰家鳴夜笛蒼茫隻履隔天涯
懸知白髮逃禪客醉倒城東賣酒家

青藜翁買一驢跛且病戲賦一詩

房星光損驥羣空九錫廬山拜上公長耳材多俱令僕
汝生運蹇獨飄蓬便教負磨創頻劇小試新芻氣尙雄
恰好隨翁青嶂裏石橋風雪趁奚童

三峰子別墅

戊申

逍遙津頭楊柳花白鶴觀裏丹生霞結鄰好傍周柱史

敦良吉齋詩二

八

集虛草堂

愛月常眠蘇小家閒攜釣竿誦秋水醉倒蓮臺轉法華
黑頭似汝差不負六國之印何足誇

小山

小山遞回薄獨步興悠哉峰巒花藏罽崖敲竹露胎鴿
盤空翠上蟻負落紅來自失參寥子林扉日掩苔

吳七秀才移居

永真觀前水曲曲向東流爲訪幽人屋因過溪水頭席
屏團婦孺行竈聚甌甌斗酒如堪貰從君弔故侯

閒閒園九詠

沈霖乍霽佳賞載幽顧瞻園林蕪廢待理飯罷

臘鼠無課兩兒子并力一役平章乎草木之英傍肆夫
場圃之業每竣輒課一詩敢期登高能賦聊俾
其早練物情幸諳勤苦云爾浹日共成一帙既
嘉乃役因同其題

編籬隨地勢枯竹力能禁架樹據尤固遮窗轉得深高
低何礙月蕪雜易成陰巖壑平生志一邱營自今

籬編

此輩別難盡殷勤屬小兒蘊崇多坳著翦伐有權宜毛
蝟螫尤毒浮蠓小易滋薔薇最貪長嫩蕊又全萎

別蠹

嗜茶儼成癖畜雨代山泉差擬漫流好頻勞掃葉煎雲
霞儲味厚口腹累人偏終媿巢居子一瓢秋水邊

畜雨

敦良吉齋詩二

九

集虛草堂

萬物迭爲用端須醞釀之零星足拮拾臭腐得神奇漬
草宜深窖培根莫過時遺材徵澗洩消息老農知

聚糞

片石吾家寶筆耕康一身不溜原本性滌垢亦當勤鼠
踐油常汙蛛縈空有塵足知磨洗力古墨轉生新

洗研

西偏屋常漏苔色上書廚屢費典衣買忍教斷簡蕪日
烘桐蔭轉風戾草檐蘇好把經畚護余年媿已徂

曬書

抄土趁天晴攜鉏莫浪營矮菘堪代肉隙地可資生多
謝鄰翁種遙陪籬菊榮嘉蔬防踏損馬齒故縱橫

栽菜

羅織何太巧續緡曉露繁胥花潛隱葉羃草恣當門長
腳原無奈游絲竟有根汝曹解拊卻困翼也高騫

拊網

汞雨缺綢繆溝屯水不流高卑由定位疏澹在人謀壅
待長鏡抉淤防反壤投東楹廡又坼余實昧先籌濬

立夏偶題

園居林氣盛偃仰有餘閒蓄水能生物歸雲長在山舍
桃供鳥啄壞木課奴刪夏至春當去陰陽自往還

半生

半生虛抱擲一藝古人精爛醉馮山閣落霞知我情露
澄星吐采磬過月傳聲廣武城頭客悲歌老淚橫

晚窗

晚窗片雲靜懶板睡剛蘇蟬粉開雨落鸚睛碾墨朕就

敦良吉齋詩二

十

集虛草堂

閒思漸省閱歲賞彌孤結習終難盡敲詩儘自娛

不寐

牀頭儲粟了飢鼠夜頻啼驟響辭枝切方暉轉案低辨
猶勞夢櫟怯自笑吹齋鍛鵠心常警雲蘿未可梯

無錢

無錢頻澹食助饑有鍋焦安坐亦云福苦吟還自聊花
香通研墨松色淨詩瓢不盡攤書興殘燈課寂寥

苦雨三首

雨脚何縣縣獨寤少歡趣側聞鄰牆崩千聲心魄怖攬
衣愁漏溼傾耳殷雷誤飢蚤故逼人跳梁藉殘絮雲重

窗逾黑睡短天難曙思量奏綠章乖龍倩誰御

隆陰寂眾詭篝火一庭綠客從湖上來就我竹間宿
勉具簞瓢苦語膝同促圩荒壩全塌河溢淮更濁山澤
匪異民咫尺事反覆餘生仍嘯歌稱心原易足負戴有
成言前徽景祝收

晚晴理殘帙孤吟歡有餘瀟瀟夜來雨溼徧西窗書短
垣築復崩拮据余亦瘡積水漫瓜疇窮愁可鬻魚十室
八九傾四望猶吾廬吾廬猶自可江湖復焉如因思神
禹功邈與天地俱

葺屋贈黃叟

敦艮吉齋詩二

十一

集虛草堂

壞茆蝕陰雨橫塌轉多漏倖晴計殊愚旁柱顛莫救溼
蟲聚族生徒飽飢烏啄拙工巧相給雷同智仍舊因循
芘蠹根緩急但遷就黃叟老葺屋如醫洞鍼灸選材必
精良刮腐免蒸濕隆然樹高棟脊聳無停溜從新反手
易領要眾工奏油雲翳東峰白點風力驟欲泛黃金葩
勞翁少酌耐

負暄二首

坐臥草木俱視聽得大適及茲冬日煖旁薄就林隙總
角兩幼子隅坐氣能寂松光落襟袖敞緼益幽澤百齡
總勞生一拙息眾役往迷悔難追放歌自怡懌

來日方自今去日已成古古日與今日靈光煥方吐圓
質僅孟大積精故不腐熙熙籬下光春容近堪取奇溫
淡肌理欲頌難著語一抹紅胭脂明朝又風雨
西溪上望靈巖
聞雲戀孤樹幽興一徘徊霜滌寒澌淨橋迎野寺迴蒲
牢鳴灑落靈鵲浴毳毼勝友俱銷歇誰攜茶具來
此種有米
有米兒童喜瓶甌儘量投雞爭方取鬪鼠竊豈無憂難
得村翁惠差紓卒歲謀卽今作佳傳富卻過黔婁

移石

敦艮吉齋詩二

十二

集虛草堂

勝領偶然遇欣然改故蹊數峰重布置弱子助提攜護
往終多累增高祇自迷淹留此亦得寒菜早成畦

十洲書來云將歸田便寄一詩要之

沮溺既高蹈向禽亦遐鷺每念彭城叟懼夭龜鶴年昨
者誦君作翹引心拳拳我昔未知君旁人道君顛北轅
獲解后讀君書便便竊喜豪宕士道力淵覃研竭聞失
幼子飄搖屋屢遷寫圖當耕券投老指林泉山苗縛澗
松鍛羽怖鳴弦曲局守光範誰似姬公賢我本負苓人
愛歌招隱篇荷鋤誅一邱巢林讓君先君材近輩稀綿
裘勤丹鉛同志得桓生

謂子貞

領要嗜君玄尙祈斂精悍

善惡憂患緣青陽不我留徂臘饕風誼摧積谷口駕榛
蕪悶靈荃再拜屬雲鴻勉踐東臯言

夜雨懷子固二首

己酉

雨霑增夜寒心飢醒常早窮巷斷鳴雞鵲語暖林表擁
衾默所業靜飮味彌好方寸有靈苗魯莽乃條槁起死
賴良朋抽新儼春草至道祇眼前書紳冀相保
竹樹遞淒滴絡繹東風馳展轉念故人戒行方及期塌
翼久倦營孤雲又何之泥淖阻行輪江湖路多歧定知
吧帖淚未別先沾衣離別自今始悠悠繫我思

聞謗

敦艮吉齋詩二

十三

集虛草堂

惡影因戢形習與木石偶豈故異眾趨杯蛇難遽剖感
君殷勤意念我窮被肘奇服眾所忌集木惟自守察淵
有顯戒何煩道某某許事姑置之村鳩勸沽酒

曉坐

千息蟠天根一氣熨丹穴翛然坐南窗露木光可悅朝
曦隱朦朧壁粉太古雪抱膝誦秋水萬象俯可掇喬松
與糞菌修短自天設顧慚渾沌鑿煩憂損心血嘉賞屢
蹉跎山中丹萸發

後苦雨五首

東城互長衢列肆鬱相望異事古老驚市口舟頻故居

民學檜巢其外壘土障青蛙據竈觚榻畔修鱗漾濛濛
水雲中恍惚聞漁唱

東風雨不止北風雨不止信是南風惡將晴雨又駛嚮
晨一婦哭哀音咎流水云有七歲兒願易數炊米于時
有陳公貨錢歸其子陳公者誰何屠酤細民耳

陳名匹順

夫偶慕義仁風動鄉里我歌不忍長恐增士夫恥

朝出威武門戚戚念邱墓遙驚東岡濤已沒西隴樹卷
蜺斷未消壘雲溼猶絮孤村動將沒舊阡望仍誤浮棺
棹漸脫崩壙穴全露遲迴認馬鬣攀杖喜猶故馮高一
凝睇東南亂流驚

敦艮吉齋詩二

十四

集虛草堂

雄雷久不鳴雌雷亦無聲元化一氣溼陽烏匿重冥我
屋昔已破我牆今又傾問時閱寒暑老天何由晴昨夜
雨更多水與几案平長星喜才沒注潦復縱橫天道信
荒遠瘋憂難自明

歲歉滋羣偷雜鶯橫遭撫鄰翁申宿戒守望柝頻擊吳
生可憐人煮酒候檐隙蒼黃風雨交聲援氣絡繹釋怯寒
掩蓑袂暝語踞苔石灌園慕嵇呂枕戈笑琨逃淖深愁
足塗林疏怯殘滴曖曖遠雞鳴西峰霧猶積

養閒草堂歌題寄潘四太常

長安朱門雲比稠我愛草堂林木幽長安軒車同調少

公子傾懷與我好奉常曹冷跡如掃興來苦吟聲徹曉
朝衫袖滿新詩草記昨春風野亭上尊酒花前幾酬唱
草堂明月應無恙君不見臥龍廬東山墅時來顧盼成
雲雨浣花老叟坐巖旅數椽亦自留千古相君處中領
揆席諸兄半作鸞臺伯槐鼎傳家要替人卻恐欲閒閒
未得人生趣舍各有分努力同期崇令德林居花落春
光暮故人破屋仍如故添種寒梅三兩樹

畫竹行贈蔗翁

蔗翁老來王畫竹大葉高柯脫拘束精神到處益華妙
醉墨橫斜明似玉昨來爲我揮一幅萬仞琅玕森滿屋

敦良吉齋詩二

十五

集虛草堂

幅方四寸長一丈勁氣偏從窄處放看翁兩鬢白蕭騷
湖海風流恣跌宕廬陽城人不識畫瓦礫紛紛占高價
翁惟耽畫不厭貧鱗魚花鳥俱生新葛衣藤杖足旁薄
蔬盤酒盞頻艱辛翁作畫我作歌牆塌屋破陰雨多有
說如山終奈何

贈黃照

皋城畫史溷泥塗雲比心情鶴比臞畧款漫題牧犢子
對花愛寫醉僧圖歸從吳市雙芒躋老傍禪宮一酒壺
自道圖南曾授訣團蒲消得睡工夫

北原

鎮日閒吟吟興發偶緣溝水愛潺湲磬聲人語蘆中渡
林缺嵐浮雨後山行到黃墟惟宿草思量白社只禪關
吞聲死別誰能遣踏徧長隄不忍還

巢湖阻風小詠古六首

黃葉菴前潮水平朝霞寺裏曉鐘鳴夜來一鶴雲中唳

疑是山人嘯月聲

李潛然

翩翩仙吏阮郎中吟徧湖山七字工杜宇數聲人不見

兩關三寺雨濛濛

阮美成

浮邱仙去釣臺在雲白山青瀟水流一竿長嘯倚石壁

黃鵠爲我招浮邱

浮邱鈞石

敦艮吉齋詩二

十六

集虛草堂

元祐規模日再中二惇兩蔡祖荆公可憐一曲篴篥引

澧草湘蘭感慨同

抱書橋

浩蕩堯階日月新耕田鑿井壽斯民自從三古紛拏後

何地能安飲犢人

二賢祠

盡道金丹解駐顏土人今尙說崔仙白雲杳靄蒼波闊

讀罷黃庭只醉眠

崔自然

殘臘雪後檢笥中得所錄梁叔詩卷覽其所爲數

月頻遇絕糧讀陶詩有作一首率書四韻

展卷得空快看題興轉悲未知昨夜雪可有嚮晨炊冰

凍梅猶斂雲長雁故遲沈吟蒙袂語天道本如斯

短檠歌

雪花壓屋屋脊折凍毫飲冰硬於鐵此時街鼓拋未歇
坐對短檠思路絕鄰鐘夜吼霜雞叫油瓶滿注燈花笑
興酣落紙風雨鳴此時短檠十倍明君不見終童書馬
卿賦咄嗟猶邀英主顧我生坐被短檠誤鄰女頻催作
嫁裳時樣重樵點鬼簿君不見東郭先生履不完遮車
難得將軍前任安樂布皆時儁飢窮溷並庸奴肩甌有
石米囊有錢一鴟時復吟梅邊短檠與我長周旋殘生
好待漁舸送短檠雖老猶堪用留伴青蘆照幽夢

秋暮聞吳丈墮砌削臂走視情話竟夕因贈二首
敦吉齋詩二

十七 集虛草堂

斗聞凶耗不勝悲太息羊公性命危把臂驚看仍健在
翦燈笑語忘移時死生事大皆天定泉石心閒與壽宜
尻馬神輪原一氣丈人早自脫塵羈

才名早歲賦三都晚號肥濱舊酒徒羅雀門閒無客到
觀魚路滑要人扶黃花破屋風聲緊白髮孤筇病影隳
七十衰翁艱一飯漢廷何事飽侏儒

將入都梅花下作二首 庚戌

種梅三兩本經年已成樹主人不耐飢花時踏車去
首塗指明發巡檐獨惆悵敬祝歲寒身歸來兩無恙

宗滌甫侍御屬題松瓢圖因效其體

古誼日彫脆脂丹變黯風誼誼冠蓋場落落松瓢翁翁
本學道人眉宇德氣充老懷斂薑桂世好隨苓通內美

陳仲方清苦陽亢宗傾蓋必宿齒待哺多孤蒙武陵有

躑士

謂季涵

藻鷲羞雷同介言洽貞賞既見披幽胸示我

詠懷作萬杵悲相春窺奴不畏髡象化亦非龍辛甘雖
異品國手需雷桐越中富靈淑雲壑蟠確確勸學尸四
賢送老指萬松舉瓢挹飛瓊味比春醪醲孔雁豈無耦
杜蘅亦多叢歸哉復歸哉負簦請相從

蒼筤谷歌和孫太史芝房

衡山南阻當離宮赤帝秉鈞臣祝融理大物博真形窿

敦艮吉齋詩二

十八

集虛草堂

厥象文明秩上公高標四千六十有六丈七十二峰青
相確嶮奇變幻互結束回雁頂高脚靈麓靈麓之顛坳
爲谷中有蒼筤萬古綠伶倫采擷遠未到山鬼俤伶白
鸞嘯孫侯南海英早獻金門賦舊隱蒼筤根斲苓徧識
山中路朝衫懶散厭趨謁對酒清歌歸興發錢塘學士
畫雙絕誦君蒼筤歌醉舞松閒月酒酣唾壺擊幾缺草
閒偷生容我活旋轉乾坤要奇傑丈夫逢時便霖雨謝
公笑別東山墅廟堂若少稷契人餓死空山老巢許蒼
筤谷谷下湘水清復清前有屈原後賈生漣蘭沉芷同
性情君歌我歌雙涕橫君不見大江合沓白浪懸楚南

烽火紅燭天

時靖州民李源發倡變

前席憂勤待嘉告羣公袞袞

言不足計臣還應黜桑孔禁裏幾人堪頗收我家草堂

春正濃江湖浩浩愁蛟龍飄然一鶴青天空明日別君

朝岱宗

楓江引爲潘舍人補之作卽志別

相別近三年相見兩默然昨者驅車重相訪執手沈吟

益惘惘示我楓江圖道是來時路大兄

順之

製圖並題句

昔年少婦今阿婆半生枉被浮名誤不如歸向楓江去

楓江水清瀾瀾長安春愁殺人楊花如雪梨花新白鳥

偷眼避黃鶯燕姬酒薄不堪醉爲君頓足歌吞聲君家

敦艮吉齋詩二

十九

集虛草堂

兄弟我舊好貧賤論交君最早看君抱子又抱孫自顧

頭顱亦將老海內承平久無事御史但條科場例大慙

小好足甄錄薦賢報國惟迴避

君屢格於例不得試

君歌金縷曲

我歌楓江引北馬南舟去不休行子風塵幸安穩一夜

南風發歸心急於火舊日楓江人送君明日燕臺君送

我薄笨車赤腳奴素箒一張酒一壺蘆溝春草青模糊

馮君覓箇丹青手寫作潘徐泣別圖

江樓遠眺圖安邱劉先生守院時作也越次年己

亥觀察廈門余詣送獲觀今年夏余歸自京師

謁先生於濟南書院先生重出是圖屬題敬賦

長句

噫吁嘻我生之初百無事執經師門齒方穉風塵流轉
腳根倦是圖記從十一年前見維時江淮正清宴朝政
精勤事綜練郡邑布置多正人兵革不動民風醇公也
政成動歸計作圖聊寄鄉關思黑風盪天海氛惡閩嶠
崩波動鯨鰐專閩人誰似謝元頓師罪豈同甘卓海南
一櫂歸恩恩是圖攜經兵火中孤臣憤血嘔未足清詞
痛甚秦庭哭先生籌兵之議具海南燼餘錄中所製全縷曲情激可誦炎風五月吹
火雲訪公歷下紆征輪尊前回首百憂積皖水皖山事
非昔江樓慘澹閱人世父老瞻樓重流涕江邊白蘋愁
復愁遲公旌節凌上頭公當有術紓民憂

敦良吉齋詩二

二十

集虛草堂

於安邱席上酬單學博伯平

龍門重到慰蹉跎況有秦青相和歌勝輩漸如瓊樹少
好峰真比夏雲多中原縞紵風猶古二老壺觴鬢已皤
最是晴湖兩不厭可能載酒數相過

歷亭放舟曲阜孔秀才玉雙舉少陵語因足成之
卽贈王太子梅

海石此亭古興亡跡總非翠屏懸朗月孤艇臥晴輝葦
葉碧宜雨藕花紅更肥扣舷歌未闕零露早濡衣

塗中口號

瞳瞳海日送臨歧悒悒還如中酒時七十二泉尋未了
停車且讀義娥碑

病起述行示兩猿

我從歷下歸維時正炎暑崎嶇未百里山潦橫相阻驅
車犯白波旁緣徑如縷涉深輒乘人曝背愁日午渡淮
險觸風近鄉迫遭雨汝曹飽坐嬉那識行路苦不見征
笥中衣裳蝕塵土

微驅血肉成寒暑迭相鑱北行誤傷趾血潰肉全落一
臥京華春笑言殊索莫局促轅下駒瀟灑雲間鶴人生
感知己尊酒豈云薄回首歷城餞痛哭聲如昨默數神
暗傷季良不須藥

敦良吉齋詩二

二十一

集虛草堂

梅心驛懷方先生植之

束髮誦往籍竊笑佔畢陋出交一世賢真儒亦罕覯先
生魯靈光爲世陳俎豆著論首一尊力刊眾家謬河海
有常居春王姬籙舊老農辨五穀不使非種糝楚楚副
墨徒研覃起讎寇巧詆借丹經遺文傳史籀豈無訂闕
功終嫌放豚駮微翁事鍼石錮疾幾莫救肥津邇桐鄉
典型緬深構樞衣仰德輝飲和飫醅耐驅車梅心驛千
峯霜月秀斯人老飢凍道肥身轉瘦儒冠信誤人所恃
文字壽

姚司馬行爲石甫先生作

司馬博學有經世才異時備兵臺灣以功陷吏
議左官蜀兩使西藏忤長官歸今年春當事者
交章薦淮南方更鹽法制軍奏留遂滯江干冬
閒相見於九江將棄官與余約共爲賈瀕行詩
以道別

姚家司馬天下豪我來相訪江之皋長風噫空萬木落
孤颿峭拂雲中鶴司馬愛土無世情笑指匡廬款行客
匡廬氣挾宮亭壯淋漓老筆爭雄放長沙論策少陵詩
旅夜愁看神益王賤子兒童時仰睇大名久往年海上

敦良吉齋詩二

二十三

集虛草堂

兵坐惜奇功橫遭肘鄒陽被繫天隕霜曾參殺人慈母
走金雞詔放天西頭劍門雲棧飛猿愁呼圖克圖森戈
矛男兒動足輒萬里張騫鄭吉皆封侯司馬勁氣橫九
州平生不爲妻孥謀長揖那知長官貴拂衣徑作龍眠
游羽書夜達甘泉仗吳門相公善論將郭開猶自怨廉
頗漢主終思庸魏尙江干風雨歲行暮簿領棲遲髮全
素君不見綠林烽壓梧州城贛州議撥南昌兵君不見
司農經年用不足鹽綱新變淮南局英雄末路願漁樵
兵火遙天換陵谷婚男嫁女易了事販脂賣漿未云辱
故鄉迢遙霜雁鳴司馬置酒臨江城一舸便逐鴟夷行

自九江埭船下兼旬風阻中流得漁舟行益駛薄
暮抵華陽鎮買魚置酒贈漁人王甲張乙

舉酒屬篙師皖公欣在擘足知用大拙共濟仗心膽槎
頭魚最鮮丹橘香可噉盡醉勿復辭休問鼉與坎人稀
雙鷺集日沒一星閃遙挹天柱秀斗脫小孤險風信浩
無端陰霾隔林間

客春識戴君存莊於京師君爲方先生植之高弟

冬孟余赴九江道桐城因戴君得交方君存之
蘇君厚子桐城爲文章氣誼之地獨三士云乎

哉而三君者則皆出於方先生之門余孤蠢晚

敦良吉齋詩二

二十三

集虛草堂

學流落江湖閒念先民之既徂慨離羣之多故

詩以代簡時仲冬下濤歸自皖江

桐城有三士北行得存莊受經考槃翁捫腹鏗琳瑯吐
詞如太阿神鋒無鈍芒渥洼名駒梁水多巨魴磁石
能引鍼匠門工必良揚舲指江水問道龍眠陽傾蓋得
佳士空谷幽蘭芳方君旣秀出蘇子亦老蒼盧鄭本一
師籍混猶輩行 國朝盛文運方劉高激昂麻溪守義
法力挽奔波狂古道日彫謝末俗須扶匡匡廬碧無盡
皖水孤帆長名山與勝友風雨交離腸械詞付黃鶴爲
我西南翔

江上夢芝房時十一月既望舟宿燕子磯

江濤何太喧驚斷夢中語攬衣亟相躡烟烟霜月午亭
亭見容輝握手悲欲吐鵝鵝集靈芝老鴉但甘風驚心
大圓漏凡石未堪補欲哭聲暗吞有淚緘肺腑

北風戰乾蘆凍殺林閒鵲孤鴻鳴更哀展轉睡難著洪
鈞司大鑪莫邪枉自躍磊磊君輩人誰解暗中索久別
精靈通沈吟心膽愕乾坤一面難醒枕復成昨

早發鎮江

水宿無厚繇江聲寒到骨舟師夜中起解纜踏殘雪遠
征歸興翩孤吟酒思渴靜觀抱龍虎丹臺炯如月窮塗
事多梗勞生及瑣屑未窮北固勝頻欠中冷啜寂歷沙
雁鳴寒鐘助淒咽

殘臘歸次蕪湖卽事短述

中外傳 明詔歡聲動九州定知逐張禹何事放朱游
時聞王蔭之
左官衡州 黃屋初頒歲青山獨繫舟于湖舊游處飄

泊又登樓

早春 咸豐辛亥

咸豐元年春吾園覺春早牆西殘雪根纖明逗新草震
雷方行天孳萌出萬寶撫時冀邁征顧影惜將老有客
長安來開械愜幽藻獨立晝遙空明霞霽天表

銀鈺戲贈琅玕君

銀鈺豔奪掌中珠，華髮歸來病影臞。
留與深閨勤照績，免他白首賦秋胡。

風歎

風歎何太劇，旁薄大江風。
自鬱山川氣，長鳴肺腑中。
馳驅緣底事，衰病早成翁。
趺坐觀無始，茶鐺夜火紅。

陰雨彌月糧絕薪罄午臥聽兒子誦淵明乞食詩

欣然有述

才智與功名曠世一相會，可憐彭澤翁。
乞食亦云憊，素心慕重華。
賦詩有餘慨，重陰閉八表。
我屋漏聲大未妨，和歌風雨多幽籟。

淮陰天下士，適與風雲期。
平生一飯德，不忤千金銜。

恩烈士懷冥報，尤堪悲仰念。
鍾室歎靜繹，陶公詩陶公。

愛黔婁黔婁有賢妻

露宿庭中醒而成句

涼颼入我榻，秋意著枕畔。
皎月映明河，白雲渡剛半。
湛然見靈臺，天光澹彌煥。
叩寂轉自恬，委形孰與絆。
候蟲最清切，隔籬幽相喚。
朱陽已成功，白藏行代禫。
悵然念幽蘭，寒泉清可灌。

敦良吉齋詩二

二五

集虛草堂

早秋書寄芝房兼簡位西
冀北高多風早秋天氣冷念君臞甚鶴巉削犀插頂何
來更瘦生夢想疎虛警早從繕生訣約略得縈肯元膺
熨一氣鉛汞無留鑛渺焉天際雲微君孰幽頌

戚戚復戚戚既歌旋忽泣孩嬉猶未遠行年候四十故
人有嘉惠提耳起積沓幸事義皇書膏餘大霑淡下學
在補過商兌益斯集再拜告故人坎險期共習

小孤山下放船時
夜坐憶小孤簡宋山人

客冬余自九江販鹽揚州水陸往返千餘里江

上諸山都未登覽獨在小孤守風數日境往興

敦艮吉齋詩二

來卽寄山人俾約略圖之

二十六

集虛草堂

枉將一舸逐鴟夷江草江花繫夢思撥冷鑪灰忘不得
小孤山下放船時

霞邊雨外夕陽遲持比金焦秀更奇兩次小孤山下過
病中欠作小孤詩

彭浪磯頭浪拍天小孤頂上月初圓飲酣徑棹中流去
錯被人呼作水仙

北馬南舟久倦游雲煙過眼總難留卻煩淨掃鶯溪絹
寫箇孤山置案頭

久雨坐西邊草屋睡醒呼酒快酌以壁閒孫翰林

詩下之率成二首聊續寄

凝神覽太古塊然入睡鄉
欠伸僅俄頃積暝天無光
鑪煙炯孤照瓶花逗寒香
幽絕二孺子卷書誦琅琅
陶然且盡斟此樂安可忘
隆隆萬象幽林鳴勢如瀉
仰誦壁上詩移燈墨光射
斯人匡濟彥餘事曹劉亞
淹留阻良覲沈吟壞秋稼
煩憂來無端顧影一悲詫

浮槎畫障歌送宋山人歸浮槎

山人家在浮槎中
瀕行贈我浮槎峰
浮槎之峰我舊熟
篝燈屢傍山僧宿
山泉泠泠響空谷
山中神芝白于玉

敦良吉齋詩二

二十七

集虛草堂

別來塵狀走鹿鹿
夢魂日繞浮槎麓
草堂霜緊萬木禿
青山無端入我屋
黛喻藍罪巧結束
簾角一峰澹尤綠
畫師競虛名好手實難得

國初續事首煙客
圓照清輝繼壇席
山人本師張少伯
吞討三王得聲畫
過江更事湯將軍
踞虎蟠龍壯精魄
名山蕪沒形失真
揣摩須借磊落人
畫師不是無心學
少陵此語堪書紳
送君浮槎去興因浮槎
發道林鐘磬久莫索
總持墓草經霜白
長相思浮槎月

方伯李公以自題長江籌遠圖詩郵致屬和伏讀

悚躍沛乎靖獻之丹忱綏戎之長慮豈直谷藻

東疆鏘鳴瓌偉其體製云爾哉少陵同元使君春陵
行其序曰當天子分憂之地效漢官良吏之目
得結輩十餘人參錯天下爲方伯萬物吐氣公
儻其人與疏野賤夫不識事宜竊以茲者公私
日耗邊隅劇創而內地草竊援枹之警重煩有
司苟求其本是在賢者之用心焉已謹貢一詩
略效其區區之愚至迺扼荆襄以控上流奠兩
淮以固根本如公偉論兵難踰度究非下士所
敢妄測也咸豐元年冬仲

兵家窾要重形勢九地八到俱周防公之畫圖我未見

敦艮吉齋詩二

二十八

集虛草堂

仰誦大句神揚揚山川設險自天地規軸須爲久長計
桂林鞞鼓老不休狼烽遠映岷江流我公旌節凌上游
顧瞻楚粵盼淮海浩歌獨抱蒼生憂想應登覽預方略
山顛水汊紆良籌公歌我能和我歌直拙公無唾江南
列鎮稱巖疆江北沃野宜耕桑其地四達古戰場其風
雄武民質良指揮便可稱精兵有明中葉慮倭寇誰知
張李生蕭牆國家龍興起漠北重熙拓宇方域長滄
溟孽火自偃蹇時平邊吏多纖旌嗣皇聖德實英武
手整揆席恢乾綱深宮臨食念鉅鹿列辟袖手嗟亡羊
粵東戰粵西戰大旆高牙習清燕百萬貔貅竟誰練江

南水江北水樂歲方欣自今始閭閻困鹿久難繼挾刃
探丸等兒戲自來殺賊要推鋒到底安人在良吏但教
當軸布龔黃儘可荒陬罷侯尉檐梅凍澀霜華冷漆室
孤吟雜幽哽經畫雲霄望公等

聞王給諫蔭之左官衡州旋聞其有廈門之行

神羊墮地萬人驚仗馬如山總不鳴遠郡何須勞賈誼
諸生可解惜陽城才聞作賦投湘去又報褰帷泛海行
回首青門私語地只餘天日照丹誠

泥汊舟次

壬子

繫纜月初上晴霞澹欲無茶鐺號蚶窟漁火隱驪珠春
暖江流大天空客膽孤泊泊問前路有酒正盈壺

敦艮吉齋詩二

二十九

集虛草堂

齊山九鼎洞贈黃麓銘時麓銘將歸楚南

列仙竟安去奧宇閤巖腹與君隔塵海風蛇不相屬那
知萍水閒笑語共幽谷弛衿石可枕捫薜碑同讀葳蕤
黃精苗東風爲誰綠靈泉滲蒼壘鏗然響寒玉我欲濯
塵纓清淺不盈勺屢懷鄭公隱枉事屈原卜新交懼自
今離惊歎方速揮手卽茫茫乾坤兩白鶴

率作堂同黃麓銘讀淵明詩遂登土山麓銘從質

詩法因贈

造化無遁姿隨地有奇會惟宜靜者心攬擷入文字江

濤爲我聲風雷壯其氣明月豈難掇雜芳儘堪佩不見
杜與李藻並江山麗髯蘇故狡獪譚諧率游戲晚年學
道力頗識東籬意池陽雲壑佳高流數游憩講堂面眾
幽佳處數峰對油油蒟葉陰半天送晴翠君儻欲有述
無絃琴可味

晚登東城望九華悵然有懷歸值陳使君譚劉項
事了了可聽率成長句

九華樓外青嵯峨登樓擬作九華歌羣峰絡繹要奇句
塵懷抑塞將如何歸來苦吟對虛壁有似寒蟬斂秋翼
使君忽動千古悲抵掌豪譚壯吟魄重瞳自可人隆準

敦艮吉齋詩二

三十

集虛草堂

本無賴風雲變化等閒事夔屈龍蟠偶然會君不見魯
莽博浪椎瀟灑淮陰釣匍匐甘遭市兒笑神龍作爾善
用柔淮陰遠過張留侯君不見長樂宮中血漉漉牝雞
晨嘶新鬼哭臨刃徒然念劓通何不早時尋赤松丈夫
飛潛須自斷榮辱豈必關天公使君薄宦亦殊好寂寞
江城車轍少天與名山吏隱兼九十九峰青未了我獨
何爲零落悲歌走長道

包公井歌美陳使君新政

荒城羈客一事無登臺覽古頻嗟吁道旁有井智不枯
行人愛說包龍圖龍圖歷官際盛宋鈞座多賢善人眾

是時吏靜民氣和鞭扑無煩租稅供我與龍圖共桑梓
書劍飄搖忽來此此邦濱江地磽窄海若馮夷連肆虐
使君莅政池人樂爭道陽春初著腳訟庭花煥鳴蒲鞭
使君錄囚愁不眠尋常桃李儘揮卻使君手自栽松柏
紛紛鵝髮餐霞叟盡作任延座中客
使君錄士皆老宿
山中耆逸多望風
至者交壯蒼古
多不類世間人吾鄉鼠雀日搆凶東高西高爭英雄顛
危不與池人同使君儻可迴花驄我欲因之借寇公昔
賢事業擅鐘鼎獨鶴徘徊雲路迴愁來兀自倚危闌曉
月雙鬟動修綆

送馮樹堂返長沙

敦艮吉齋詩二

三十一

集虛草堂

欲哭翻成笑悲哉秋氣蒼相逢纔幾日相別更他鄉野
水兼天闊孤帆帶雨涼前途正戎馬鄭重報高堂

九日登百牙山塔覽古緣溪行獨酌酒樓有懷姚
廉訪粵西兼寄曾侍郎楚中侍郎時以憂歸

孤塔摩空上上頭大江終古自東流殿司獄冷鴻文在
控海軍虛雁泮秋壯志輪囷惟縱酒異鄉牢落成游
時危慘澹思奇士嬾向蕭梁問選樓

桂嶺經年鼓角哀荷戈轉餉亦勞哉久聞妖彗臨湘水
拌起牙璋戍大雷庾亮旌麾連夜走深源雲霧逼人來
斷藤巨畫猶前事欲起韓雍論將才

白首可憐姚石翁，潯陽尊酒別恩慙。
望窮歸雁書全斷，開到籬英恨略同。
曾共魚鹽籌末路，獨拌馬革奉孤忠。
縱江魚艇浮槎月，何日相逢一笑中。

壯不如人萬事非，泥塗軒冕跡多違。
范雲虛枉征軺過，和嶠頻傳讀禮歸。
白簡文高懸海內，朱陵烽緊泣麻衣。
長塗未展生芻薦，徒倚寒雲看鳥飛。

將歸贈杏生

獨鶴念瑤草，橫飛覽九州。
偶隨白雲至，弄影青溪流。
愛汝好毛骨，相將同唱酬。
他年風雨夕，解憶老夫不。

雪中坐閒開園時將赴湖上新居率題壁間

敦良吉齋詩二

癸丑

三十二

集虛草堂

滄海際橫流，大劫復焉避。
新買湖上居，耕釣平生志。
柴車指明發，殘雪路猶滯。
林光向夕佳，萬象森初氣。
坐愛西軒清，竹柏蘊眞契。
嘉賞付後來，攬幽可誰繼。

病心役塵羈，坐久發深省。
西風連夜雪，草堂一燈迴。
凍禽怯危巢，酸嘶若相警。
束髮際平世，雅志樂幽屏。
邱樊計未安，兵戈事多梗。
書壁記歲時，人閒夜方永。

新正廿三日夜起書事二首

卜居苦恩恩，移家亦草草。
倉皇風鶴來，村嫗突驚倒。
有客夜叩門，衣冠盡烏了。
云將掠南村，疾裝不待曉。
勸客

姑止止飢寒事原小炙酒與君飲作糜供君飽爲君歌
伐檀河干可終老酒闌客醉眠寒蟾瞰林表

西鄰突無煙東鄰窖餘粟割宅券鄰翁貸粟一百斛小
惠何足稱藉以靖鄰曲飲食起訟師痲痺亟悍獨北風
卷黃沙春蘭弄幽綠抱膝念天地坤維仄龍足餽虎虎
猶媚豢龍龍可畜我手無黃金躡躅復躡躅

晚憩遯泉

造物厚相賦天漿飫我腸品宜邀陸羽記不待歐陽清
佐齋房粥靈分芝草香巢林有逸興飲犢亦無妨

新正病起喜得玉五北城樓上手書

敦艮吉齋詩二

三十三

集虛草堂

片紙隔烽火好風吹忽來墨應磨盾澹愁爲早梅開狂
態偏仍舊高歌信汝才淒涼戍樓笛吟望不勝哀

寄子固

借隱虛成言幽懷寂無向展轉踏斜光欲去復惆悵拊
膺默相弔獨處積彌放久睽藥石規莫療雲壑恙啁噍
失羣雀翔號久難忘我心匪鐵石況茲士可尙青谿澹
澹流隱約聞漁唱何處是仇池戎旃縵江上

連日沈睡午起遂登黃泥岡與諸牧兒行吟亂冢

閒作歌俾羣兒和之

涉水無船不敢渡負天無翼忽中墮糟邱一覺勝華胥

眼底二豪直么麼花閒巧婦語玲瓏午窗花落翩東風
東風吹花入簾幕研凹墨暈胭脂紅披衣起逐村童去
得得烏牛導前路秧畦四映匝天綠鷲地風帆挂雲樹
一聲牧笛出前溪驚起溪中雙白鷺悲來涕落不自由
放歌踏徧荒墳頭布衣南面終一邱揮筆試問枯髑髏

巢湖營次贈無錫汪大芾庭

病懷迫風煙懼會惜俄頃湖天旌旆幽月落眾星罔天
狼焰正明燭龍呼不醒昏黑萬族瘡抱火恣宵寢誰知
兩狂夫露語荒墳頂

神劍無鈍鋒良璞有奇曜虎猛豹能制鵬擊鷄頻笑久

敦艮吉齋詩二

三十四

集虛草堂

晞沔上耕暫展淮陰釣與君結新知雲鶴本同調喔喔
村雞鳴風濤助悲嘯

束髮誦孫吳心膽萬夫壯流離淹歲華耕牧事孤尙秋
田澇不收雲壑寄疏放平生喜結客黃金揮孟浪欲贈
無絺袍臨風重惆悵

秋晚讀曼陀羅館詩漫成四韻卽簡芾庭

雲劃半湖雨山山相對青好詩欣在握落葉下空庭虎
鬪蒼天醉龍泗勺水靈浩歌訊之子誰與玩芳馨

謝竹老借方書至

甲寅

村居寂無事愛讀神農書幸得窺秦蠹因之校魯魚衛

生方漸熟活國計全虛媿少一瓶報相馮證紫車

遯泉上贈放鳴翁

舊學屠龍技今從放鳴翁呼雛疏雨外對飲夕陽中家
具馮行竈新鮮問釣童草棚高臥穩瀟灑葦花風

喜王處士過宿

深柳霽殘光獨行意悄悄軒然一蚪髯攜蓋出林表相
逢便披衿壺尊共傾倒康時望異人清言見深抱虞卿
久固窮侯嬴嗟已老中原鼎初沸高齋榻權掃促膝忘
夜闌虛窗一燈小

秋晚自東大營待渡胡家淺

敦良吉齋詩二

三十五

集虛草堂

亂離一宿艱晚行意恆疾旁皇緬桑梓斜日澹將沒孤
城萬睥睨積屍氣如鐵元戎據高壘向夕笙歌發袞袞
白鬪饑飢鴉怒相啄朱明倏已秋野水覺來闊掩泣下
荒阡扁舟盪孤月

讀陶詩書後

澹泊標成隱逸宗黃虞胸次忒雍容北窗風枕東籬菊
誰識先生是臥龍

戚戚行

戚戚不能聲獨行只自語揮淚頻避人斜光動禾黍登
高望層城圓靈鬱難覩之子本素交自昔同肺腑眾聽

燐飛蠅臚傳闕市虎誰回若木光垂照漆室女往聞海
生塵今見天倚杵楚奏儀自悲越吟舄猶苦屈指游處
徒肝腦半黃土生囚旣可矜轉屍亦無主存沒總茫茫
煩憂向誰吐

坵埠贈郭處士紹涪

小雅思益工楚些境彌苦恆時誦陳言怪事今日覩重
埒飽所經傾蓋見高矩好詩比嬋娟修整足眉嫵琴德
靜不譁流哀時激楚亂離佳釀稀佐飲有市脯奔波戎
馬中嘉會此終古

富貴無常家兵火劫殊毒可堪覆巢鳥重經故人屋昨

敦艮吉齋詩二

三十六

集虛草堂

來馬糞高苦雨土花綠今來眼乍明書燈幽可矧方伯
總度支茲鄉成縮黻工商列肆居燕雀暫蒙福世途方
荆榛且盡杯中滌

途中詠阜帽

阜帽老風雪蒙頭暖若春盟心期皓首入世怯緇塵色
配羊裘古情逾貂冕珍遼東有嘉製悅仰媿先民

山中於史刺史殯所贈張騎尉兄弟

凍雨帶征輪斗酒懽茅屋荒寒風雪交萍蹤成信宿
冷擁被談借書分卷讀符簷接牛宮檐風噓短燭老牛
夜齧草凱鳴念其憤主人殯將去薤露歌殊速草草烽

煙中翻飛羨黃鵠

皇天開殺機，阽危要人傑。久憐中丞公，身並孤城裂。君家賢令君，蹈死節同烈。遺骸慘未收，冰霜鍊忠骨。機雲好兄弟，文藻互揚榘。宦薄衣食忙，途窮出處拙。秉燭坐通宵，知君念明發。

黑摺扇歌感弔陳使君兼懷其令弟陳五立凡

黑摺扇池陽老守親，手贈椶櫚爲骨鈿。裝柄鴉翎漆汁光，鑑空泥金小字書。參同老守學書宗，智永王家腕力能。生風丁香之油出東粵，阿五閒情爲塗抹。頓教懷袖滿天香，豈止林棲坐相悅。黑摺扇兵火崢嶸陵谷變，眼中之人今不見。君不見顧家牀上琴，哭殺江東張季鷹。妖星正照廬陽樹，死別生離不知處。黑摺扇行將燒汝揚，其次無爲使我終日對汝肝腸摧。

敦良吉齋詩二

三十七

集虛草堂

城西營次酬周二雲先

戎馬崢嶸白日過，酒壚人渺若山河。中宵星斗聞雞切，四海賓朋化鶴多。但願重逢仍健在，暫時相對強悲歌。城西春水傷心綠，惜別江淹更柰何。

乞食行四首寄張子蕃

覓食須尋謝仁祖，假糧不藉陶胡奴。古人許與各有分，夙昔誦此長嗟吁。山廚幾日煙斷絕，溼薪不然釜不熱。

今朝無米復無薪馬齒青青猶活橋頭酒家準相賈
醪醕枯腸百怪發北窗著書嬾未就塵埃千鈞付身後
乞食行君家兄弟知我情

龍池清淺不堪釣赤手敢言千金報古人牢落後人悲
今人寂寞旁人笑一囊之錢世所重謂天蓋高天夢夢
致身似我亦殊愚自奉心肝耐飢凍故廬一炬萬緣盡
家具并無庾信喪連宵屋漏大如注羈棲卻喜甘霖布
乞食行四山風雨鳴縱橫

廬陽城裏白骨多廬陽城外酣笙歌越禽代馬有本性
側身天地將如何威弧不弦歲載周山中猿鶴悲清秋
湖干餘燼蕩如洗新鬼故鬼同啾啾劉伶一鍤不去手
未知埋骨終何邱窮檐糠粃啖不足驃騎營中多棄肉
乞食行四座聞之應涕零

亂離聚散無好懷林鴉哺子鳴聲哀雲山兩處斷消息
醉眼日盼魚書來束髮論交動燕市傾蓋推襟必奇士
戎馬關河戰血腥屈指親知半人鬼君家兄弟最晚合
締歡轉自兵戈底雖鳴羣應精氣侔故人不是監河侯
乞食行擲地還成金石聲

寄贈沈記室兼訊江二使君

西營鼓角壯晴霄采筆遙欣占斗杓勝友無多丁令鶴

使君獨出海東鵬鄉關夙譽推王粲幕府新題藉鮑昭
準備銘功濡盾墨主人勳望勝嫖姚
乾坤萬感付蒼茫牢落空山一酒狂青憤運窮仍肆虐
黃雞歌好漫開觴庾郎高詠傳蓮幕嚴武飛書問草堂
見說將軍容揖客會須叉手謁旌旁

廬陽夜捷行贈江使君達川

使君爲中丞介弟中丞死於廬州之難戰守大
略余別有記頃者官軍收復郡城兩大帥加官
晉爵於時使君固請去而郡人士感銘前勞於
城復之後六日相率麻衣首經會祭中丞於郡
之潛山廟中旣卒莫使君前謝客相向而哭余
郡人也今昔見聞之際有難言者因事命篇卽
贈

敦艮吉齋詩二

三十九

集虛草堂

廬陽夜捷烈炬紅露布連奏甘泉宮使君兵聲冠諸將
輕裘緩帶殊雍容記昔曾在圍城中挾策兩謁中丞公
中丞英偉人中龍使君眉宇春融融指麾綽有中丞風
牙旗深處展高宴橙香螿綠霜螿健野人喜極悲倒來
曉柝深杯淚如霰君不見荒城蕩蕩跡如掃縱橫瓦礫
居民少孺饑滿地生青草君不見壺漿士女泣垂面愛
說中丞舊時戰張巡死去賀蘭生痛殺潛山廟中奠驪

騎連宵拜新命漢廷不惜通侯印使君愛逐赤松游
令原畔牽歸輿爲君高歌歌斷絕悲笳吹落林間月

三河行營贈易五明府時明府尋池州遺骸久不能得夜闌情話惘然有作

餘生等浮漚禍亂況踵繼今宵共君語滄海翻涕淚池
州賢主人妙特青雲器生前列五馬死去溷羣隸昨者
學門過略展生芻祭居人識音容指點投繯地講堂漏
旁穿老樹枯半臂纍纍白骷髏鄰獨齧相戲遺孤藐江
湘弱弟期未至君託肺腑戚我辱班張契崢嶸風雪交
鞞鼓送殘歲連營凍馬嘶遙天孤雁唳永懷腹痛言殘
燈照無睡

敦良吉齋詩二

四十

集虛草堂

除夕前一日醉起呈江使君時使君以歲晏享士
虛其左西向以薦中丞之靈旣畢奠使君揖余
就寶位曰君先兄故人狀相若齒相埒也見君
如見吾先兄矣余之識中丞以陳池州池州之
死久而未明而其弟畢凡千里來尋兄骨又久
而未至俛仰悲懷轟飲極醉不覺失聲哭率成
二首呈使君兼留遲畢凡

虎帳森嚴忝上賓座中靈爽動星辰無端慟哭干戎禁
多媿將軍怒酒人信國千秋青史在荆卿四座白衣新

醉時錯認西臺路朱鳥歌終倍愴神

老向風塵賦八哀池州儒雅濟時才並時巡遠宜同傳
入洛機雲久未來數載兵戈知己盡百年懷抱對君開
天涯明夕同除夕好挽長河注酒杯

今夕何夕行爲陳星台作

君揚州人爲余道揚州被難情事其言覩縷而
悲揚州之陷以咸豐癸丑二月先是賊圍長沙
朝議以兩江督臣陸建瀛扼九江賊窺武昌建
瀛以梁山蕪湖防兵遁歸江甯是時 上命江

蘇撫臣楊文定倉場督臣楊殿邦分守揚州旣

敦艮吉齋詩二

四十一

集虛草堂

賊陷江甯鋒益銳兩大吏以土人江壽民陰款
賊揚州人亦以款之足恃也賊至淫掠焚屠無
一人脫者君久陷賊中今年冬從廬州逸出與
余相遇於三河行營而余往者服賈江上尤悉
其土風因歌以道昔游且以慰君之思時乙卯

除夜也

今夕何夕愁復愁擁被聽子談揚州揚州繁華甲海宇
青幘縱橫變焦土少年莫便歎飄搖猶勝全家餉豺虎
蟒欄腰玉本碌碌社鼠城狐趨避熟開門揖盜計殊左
坐使全城供魚肉憶昔咸豐初洪鑑幹運和風翔金田

妖狐走復僵兩階干羽尊垂裳羣公簪筆同揄揚大府
新籌變鹽法連雲萬艘橫江湖江湘尊鱸秋興長我亦
載酒之潯陽姚家司馬邀作賈矢言江水同滄浪琵琶
亭邊半輪月好風送我邗江旁邗江雪大夜中渡燈火
樓臺錦纏樹美人笑挹金叵羅觴我珠簾最深處陳書
自嫌褐衣賤鬻財徑被陶朱誤中途折閱拂衣歸醉枕
漁榔過瓜步到今遺恨付東流未陟金焦窮北固兵火
怱怱閱人世往事模糊總難記江頭短樹認微茫半是
從前浪游地去年復揚州今年復廬郡卻喜官軍屢報
捷皇天厭賊劫將燼我與子同坐饑饉皮骨徒存塵滿
鬢山中拳蕨噉俱空隔河賊壘明青烽請君記取此除
夕明日馬蹄西復東

讓榻行調陳刺史

丁巳

往聞陳豫章清風灑六合吾家老孺子屢下衙齋榻高
風一去不可攀君侯使我開心顏玉帳縱橫十笏地孤
鶴橫空偶然至君侯讓榻禮數絕肯與岑苔結幽契霜
雞叫樹朔風吼野客披衣默搔首除夕已過更元宵歲
序駸駸復何有君侯愛客敬忘疲嫌我欲去頻相肘噫
吁嘻賊魁猶未禽海宇方洶洶吾曹旅走潛蒿蓬兵幾
自古貴奇勝呼吸便使狂瀾東層冰在地酒在尊楚南

敦良吉齋詩二

四十二

集虛草堂

壯士如雲屯請君爲我明日收崑崙
撮鎮送易明府謁選入都二首

弧矢男兒事沾衿非我曹恐違子高揖擬贈呂虔刀長
路紆征轡殘春餞濁醪蕭條施水上相對首頻搔
宦海波濤惡況經血戰時青萍思得價白日訣臨歧吳
楚傳烽急幽燕轉餉遲此行應陞見披瀝說瘡痍

調小奴

憐汝亦人子垂髻解荷鋤夜寒眠傍犬晝暖學又魚莫
笑漫郎拙可知潁士疏年饑須菜食早晚灌嘉蔬

中秋後五日於礪西遲亦符不至夜酌寄亦符

敦良吉齋詩二

四十三

集虛草堂

西風響藜藿秋思來颯然開扉候之子默默循荒阡四
山遞明晦缺月雲際懸目斷眾峰外神游萬古前領勝
境獨往望遠頻遷延道逢農丈人情話秋荷邊菱香動
酒興烽緊愁戎旂竝立不忍去隔林鳴夜泉

宵深露氣涼骨冷知衣薄旁皇覓歸徑林月澹將落瓦
罌足新釀呼兒具斟酌夜色几案深幽味靜堪嚼之子
佐戎行篝燈坐索莫料應刁斗中枕戈睡難著江淮劇
戎馬乾坤待商略坐看燈穗繁鴻聲入寥廓

居巢軍次贈畢凡

青冥萬笏擁居巢戎幄周旋感二毛百戰湖山風景改

連營星斗月輪高我來共汝談秋水醉裏看君注楚騷
君之來藁中止南華楚辭數卷於九歌能自爲說飽閱丹烽煉心魄久應無淚
滴征袍

虞主簿於行營關小窗當眾山之勝詩以落之

幽絕湖上營恰似野人屋鑿空安一窗吞吐眾峰綠釀
雨雲作堆放晴翠堪矧妥帖戎馬場豁達林泉目與君
久坐來漁樵意俱熟秋風吹行旌進剿事須速竊聞荆
楚兵檄赴龍眠麓容膝且暫安揮杯可遐矚陳留擅幕
僚商山老耕牧題詩記歲時報章俟金玉

自失

敦良吉齋詩二

四十四 集虛草堂

自失草玄伴蕭齋獨睡遲山荒無雁過衾冷有猫知識
字慙將老遺書欲付誰西河餘恨在天道本如斯

雪夜讀廬江吳徵士詩卷愴賦卽寄其令子都尉

長慶兼弔桐城馬三命之戴五存莊

歲暮常易悲坐惜老將至故人有遺詩夜讀燈光細
危鬱奇抱變微聲尤厲蘭成善賦哀越石時尙氣零章
與斷句燐血助淒麗哲嗣憤戴天馳驅效戎隸翩翩儒
家子名父風未替綈裘辱相託丹鉛本吾事有約期未
來風煙莽迢遞銷沈嵇呂徒遺孤渺馬寄摧積龍蛇鬪
浩蕩鷓鴣逝冉冉問流光心枯閱人世

夜飲大醉登元叔墓上作

只此一棺隔醉來呼不謗悲風吹熱淚墮地盡成冰狐
嘯月全黑燐飛霜有稜酸吟扣枯冢泉下可曾聽

雪中寄答劉穎生明府二首

山空恣臥疴忍飢起恆晏迢迢念之子衙鼓聽應倦早
蝗歲載凶亂離官亦賤城中昨點兵車徒泥淖濺錦衣
佩刀兒狐裘萬人羨誰憐循吏孫敝緼曳長軒

東峰積雪高寒光浸虛壁坐對心目瑩一編懽竟夕卽
事自成吟研墨凍猶積撥火炙層冰玄晶湛靈液興至
古今趨憂來天地窄欲寄重摩挲摩挲長太息

敦良吉齋詩二

四十五

集虛草堂

戲贈阿全

汝小健於犢省余薪水憂凌晨掃霜葉帶月汲寒流不
逐攤錢戲能隨秉燭游計功宜上考李蔡早封侯

春草一首寄懷穎生

廬陽城畔草綠過鮑昭臺之子臺邊住登臨日幾回望
雲應拭涕弔古可銜杯幕府資匡畫無爲羨賦才

首夏同畢凡於縣學明倫堂重尋池州公遺骸卜

瘞碑於堂之東隅時大帥頓軍桐城旣失援諸
縣相繼潰陷而廬郡又戒嚴畢凡將南歸卽事

述懷因贈

幽明信異途一別萬萬古低徊覓遺骸慘澹日亭午
時白骨堆零落久無主恨血濡草花猩紅媚春雨草閒
枯鬪饑胡爲不人語公本平生交夙誼關肺腑令弟虎
口來衣衫溷塵土皇穹邁奇荒生幾斷窮圃桐城昨覆
師百里無完堵峩峩秉鉞人擢髮罪難數我生儼創禽
久戢林下羽君懷鵠鴒痛戎馬更羈旅辛勤構豐碑卜
幽志彌苦長烽互肥津歸心落湘渚伫立祇斯須悲風
激林莽

畢凡旣行復來聞其稽留逆旅詩以招之

雙峰破茅屋屋角盡瓜疇瓜蔓綠當戶鑪煙永日幽羣

敦艮吉齋詩二

四十六

集虛草堂

雄頻草竊吾道自林邱肯稅山中駕陰符在案頭

贈馮子明子明司天堂自號笠尉

亂餘逢笠尉解后賦同袍家借西湖勝官因南岳高孟
郊覓句苦梅福上書勞會得閒雲意浮生信所遭

會城歎贈汪果

君浙江嘉興人工書

昔者君來時會城峙皖江今者君來時會城寄廬陽廬
陽但空城黃蒿過人長皖垣棄不收白日鳴豺狼我生
幸再更畢逋山谷藏與君別廿年音書隔車航昨勞走
倅問溝瀆銜末光相逢一驚喜仰視蒼天蒼憶昔全盛
日軒車同頡頏于時值孟冬狐裘君馬黃置酒臨江亭

醉挹天柱光熙平富文物萬艘齊帆檣節樓擁高戟曲
巷羅仙倡南金謀善州北珠媚後房梁鴻方少年潛行
歌慨慷繁華一朝盡鐵馬荆榛荒賊王與賊帥笑踞中
丞堂沿門唄耶蘇拘囚到紅妝竊聞初陷時封人如豬
羊所嗟長宏血不到清水塘肥東穩行臺四閱冰與霜
喪馬求林中殪骼委道旁驃騎素貴通僚吏王趨踰峩
冠嵌珊瑚列燕惟金張逢掖一老儒袖短衣郎當長揖
公卿閒旁人笑疏狂蹶張諸健兒誰解師鍾王君家好
山水白首胡栖皇彈劍對尊酒月落悲茫茫

秋夜枕上作

敦艮吉齋詩二

四十七

集虛草堂

新涼愛孤枕臥美手腳便雨窗夜深黑明滅見飛電奔
雷下遙峰騰騰去復旋多病覺早衰晚得止襪線墮地
幸作男口體養殊賤委心付寒暑形質老將變坎珂堅
道心況迺烽火煉

野人拙生計瓶罍夜常空飢鼠嚼案書格鬪翻酒鍾幽
蟲砌下鳴檐滴聲璫璫瓦鼎一炷火寂歷香光紅孤魂
自去來簾幙生微風之子抱幽素僻嗜與我同泉臺儻
有作夜雨吟益工

寄沈廣文從軍仙蹤兼懷新甯江使君

武功越等直價高廣文於例爲閒曹江淮連兵俎豆棄

廣文久無立錐地昔賢只嗟飯不足君更辛勤坐空腹
盾頭墨費千毫秃刀劍叢中覓餽粥憶昔三河數相見
風雪聯牀託深眷元戎列幕猛將多臥聽馬嘶快塵戰
於時江使君戰罷從容展高宴看君草檄夜中忙紅燭
光飛眼如電桐城一潰棄甲多江淮銳氣全消磨居巢
以東盡賊壘昭關不守將如何楚雲天末斷飛雁洞庭
杳靄橫蒼波側身四望空悲歌

馮君書來盛頌山居之樂聊賦答

偷生匿蓬蒿殘喘天網漏遠勞故人問未審山居陋長
林冬多風冷浸羊裘透瓦鑪煑礪冰午炊薪待湊茶涸
陸羽鑿酒斷王尼廐家具狼負藉至樂蛙竄登案頭一
卷書凍墨披剛就詩情澹遙峰雲木鬱蒼秀支離任元
化索莫念朋舊歲晏一寄聲杜陵今更瘦

冬夜醉歌投聶遊府

江表連兵苦不休風塵不見英雄流君侯毛骨特英妙
諸將叢中最年少本師烏都統劍訣戎機洞窾要百戰
身親陣頭到艱危解后得奇士窮途使我破顏笑廬陽
坐復賊運窮大兵乘勝攻舒桐覆軍殺將天不聰節旄
穩坐廬城東和州營撤籬籬空橐皋旁直居巢衝眼前
碁局皆敗著全皖門戶爭仙蹤君侯再起眾望屬斬新

鞍馬橫瑠弓坵埠樓頭一尊酒余時適欲還東峰馬前
揖別殊恩恩病眼喜見旌旗紅早晚欣聞報戰功

移家自賀

自我居雙山荏苒六寒暑忘形到樵牧相過共雞黍世
亂俗盡偷壤瘠風向古仄處不嫌陋愛茲眾峰嫵牆東
有廢宅人棄我獨取斂錢藉素交助力仗鄰圃經營始
仲春移家屆重午因倚置講堂約略具環堵長物一木
牀足斷背旁俛殘編由秦火斑斕劫痕苦無扉暫安簾
有竈足支釜籬隨山勢編竹待秋來補乾坤正反仄中
衢鬪豺虎擬備釣魚舟江淮路頻阻自號贅瘤人暫作
敦良吉齋詩二

四十九

集虛草堂

羽

草堂未葺夜漏殊惡雨旣獨酌率書示老妻訂飲

戊午

命宮犯水厄到處遭漏屋今宵漏彌苦驟雨斷燈燭牀
上枕席浮橫空倒飛瀑疾風欲拔宅騰掉龍象蹴牀下
撥刺誼捫壁行卻曲憨奴起索火踏地柱頰觸牽引碎
瓶盎驚犬吠來逐窗虛電屢穿雲霽月新沐層峰清夜
鐘流星引高矚問訊得醕醪搜索具新菽晚師信杜康

放歌傷獨漉虎鬪天地腥蝗旱蒼黎毒嗷嗷全院民六
載老鋒鏃流亡半不歸創吟多露宿寤余託蓬荜私迓
神天福憐汝拙似鳩飄搖共巖谷賢勝劉伶妻斗酒常
豫畜醉鄉無兵戈飲者飲天祿獨飲不厭清羣飲不嫌
濁甘霖應時降新水陂塘足明朝飲更宜添種西檐竹
長夏山居德軍門書幣敦促旣戒行復留一夕夜

坐書懷題壁上

山居暑氣清午臥亂蟬聒元戎勤大計書幣逮裋褐使
者趣首塗相待儼飢渴坤維漸傾敝扶持藉人傑兵謀
無恆師利鈍析毫髮中原板蕩久老親甘旨闕共事須
慎初處幽易藏拙踟躕夜中起愁與青山別素書讀未
終秋瓜種纔發去去準速歸不負東峰月

羊頭歌贈梁記室

羊頭爛熟復羊胃大將軍告身不能博一醉昔聞其語
今見之潭潭虎帳陳行屍梁夫子以酒名袖中匹錦春
江明侯門長裾曳不慣愛攜短鍤呼劉伶羣峰霽雨匝
天綠壘門旌旆幽禽熟款客不惜雙玉瓶驥渴鯨吞劍
光逐席閒爲我作奇篆玉截金鎔巧結束風塵一士矜
創獲戎馬雙尊慰幽獨君不見渭水風雲起屠釣幼安
老愛遼東帽丈夫去就要分明失腳翻貽猿鶴笑君不

見皇天嗜殺賊運昌黑山更比紅巾強舍和全滁相繼
陷邇來又欲窺廬陽落日銜山下將夜百榼干壺遑問
價泰山江漢兩忘形董龍雞狗休相訝

大樹行送梁子熙還江東時撫軍自坵埠移營梁
園又數月矣

黑風四卷悲風號大樹蕭瑟餘黃蒿書生從戎意不樂
曰歸曰歸心鬱陶櫓槍照地賊氛惡太白睽睽怒生角
江淮連兵閱六稔梁園節旄老盡落戎幕無聊日耽酒
與君周旋惜未久君今決策還江東我亦閒道歸雙峰
河山兩戒戎馬梗吳楚一線車航通前行攬古應有作
寄書早晚馮歸鴻

敦艮吉齋詩二

五十一

集虛草堂

十三日歸自坵埠途中口號

萬事料全錯孤征意悄然長星欺夜月烽火切遙天旌
節紛兒戲萍蓬閱歲年昨宵漢陽客猶誦福華編

牧羊詞四首 己未

生爲隴畝人略解泉石趣養羊十餘頭藉以慰遲暮晨
征越林薄夕歸識村樹亂餘鄰人稀數椽共羊住地瘠
秋無禾峰長晝多霧卻怪諸賊奴早識山中路

童羊初生角隨母走躡躡道閒逢羣羊跳梁學抵觸失
勢落草閒騰身復相逐飲泉喚共來升巖躍仍伏老羊

念其兒嘯呼動林谷雙雙就母嬉索乳鳴穀穀物情樂
初孩嗟予老愁毒經旬斷賊蹤樵歌動村曲巖西磬石
幽午飲睡來熟

春寒苦多兩羊飢走旁皇旁皇復哀鳴展轉遶我旁羊
鳴一何悲雨聲一何長拂衣視天宇叩木歌清商歌罷
長太息出門卽豺狼羊兮勿浪噪與爾同行藏

東家牛抱犢西家雞哺子龍池水草幽我羊亦肥美乾
坤莽戰爭生機殊不已屋角小桃花結實剛索索

久不得安邱先生消息詩以志恨

德大敢云報此生長負恩無從詢驛使未忍賦招魂夢

敦良吉齋詩二

五十二 集虛草堂

斷雪中路心懸海上村伯牙絃久闕孤調不堪論

秋夜獨酌龍泉寄懷陳五立凡兼呈曾大帥報近

狀

白日挽難住空山鬢已華美人隔湘水秋思滿蘆花國
步艱銅馬兵機兆火鴉馮君語魯使顏闔久無家

魯使
難尋

顏闔家大帥往過
合肥見懷句也

江上軍容壯紅旗擁舵樓久知謝安石談笑靖中流筐
篋勞君輩乾坤仗老謀野人穿淚眼踏徧暮山頭

殺運年時盛故園秋又荒長淮餘戰骨專閫誤紅妝爛
醉龍泉上翻身虎窟旁醒來占斗柄行矣問滄浪

休笑新亭涕新亭涕爭乾徒薪嗟已晚填海事原難斫
地雙雄劍隨身一釣竿烽煙任流轉持此報平安

戴學博過宿山居爲誦新作因道孫太史勤西出
守皖留滯定遠軍次數辱記問勤西旣假歸君
以定遠軍潰避地山中卽贈兼寄勤西

山空木石多索處斷人語何風吹君來長夜劇亂縷兵
戈艱一炊奇荒斷場圃遠慚嘉客過盤餐闕雞黍兒童
解刈薪霜芋夜頻煑好詩愁眼花展卷訛帝虎馮君抗
聲歌側聽識鉤矩勿謂知音稀知音心更苦

昔我游京師交盡一世偉每懷車笠言升沈幾人鬼孫

敦良吉齋詩二

五十三

集虛草堂

侯籍金閨六義見根柢蒼黎坐塗炭刀筆陋難洗從政
得詩人庶以明治體盤錯事正殷埋輪去何駛誰貽輿
尸痛未雪河橋恥寂歷滄江雲無緣報雙鯉

山中寇盜相仍將移家聞曾帥兵抵皖南先書問
王天子原時賊嚴關偵索裂衫帛代書並題一

詩納老奴衣絮中

庚申

垂老怯遠行故鄉兵火又屈指去年秋後車覆仍舊嗜
禍人競狂降割天頻驟與君別無幾命屢刀邊留占爻
得濡尾株守計殊謬仄聞曾家兵前鋒到江右皖南與
皖北別自成宇宙行將膏柴車樂土遠難就居巢扼嚴

關賊壘密烽埃踟躕中夜興荒山一燈瘦手自磔羅衫
恨墨寫難透板蕩匪自今顛越復誰咎感時涕泗多古
淚熒仍縟請君反覆看天日照衿袖

蓮花山寨夜坐贈用甫

山高孤寨小松影壘門幽格磔怪禽叫潏潏深澗流老
槐陰似水嶺月淨如鉤寂歷烽煙外孤雲爲汝留

紫蓬山行營別英刺史西林時勁筠要爲清潁之

行

慘澹荒山酒相看淚轉無風雲故蕭瑟天日共踟躕白
壁投時賤青萍結客孤不須憐病馬老矣尙知途

敦艮吉齋詩二

五十四

集虛草堂

寂寞春花盡蹉跎復遠遊言尋清潁客同貰釣魚舟歷
碌禪中蝨迷漫海上鷗平生好肝膽留以奉君侯

壽春城下同勁老飲酒卽贈

八公丹竈冷草木亦無靈賴有黃衫客同傾碧玉瓶世
方須謝傅我自愛劉伶醉擊中流楫天高孰與聽

霍邱舟次遇王學博幼國得悉亡友朱孝廉死事
狀幼國爲孝廉高弟擬卽是秋於孝廉死處葬

衣冠云

潁上有奇士相知廿載前兵戈成死別萍水接名賢馬
鬣侯芭志鱸羹張翰船飢魂招未得前路尙烽煙

聞笛贈鶴亭

鶴亭夜吹笛聲與鶴同清寥亮燭將曉飛騰劍欲鳴徒
增懷舊感各有故園情風雨況相惱滄波怒未平

三河尖南卡有小樓高敞可眺葉貳尹置酒招同

勁筠幼國諸子晚飲樓上時鶴亭吹笛雨生度

曲卽事要幼國和

危樓開勝宴客裏共登臨雨暗淮流疾雲荒戰氣深晶
盤新繪美鐵笛老龍吟不忍馮闌望乾坤久陸沈

舟中寄別鶴亭兼訊幼國

在竹願爲笛伴君宛轉歌尊前一揮手相望渺煙波早

敦艮吉齋詩二

五十五

集虛草堂

斫銀絲膾安排金叵羅歸帆指明月三五定如何

正陽歸次舟中作二首

老厭江淮鼓角諠避人獨自上高原六飛倉卒河陽狩
諸將逍遙灞上屯白屋依然尊漢朔赤雲何處問羌村
長庚照夜明如月烽影濤聲入酒樽

怪事紛紛到眼前中原戎馬費周旋絕裾未忍隨溫嶠
蹈海終慙後魯連往事空教增壘魄此生早自付林泉
車書萬里梯航至記得乾嘉全盛年

瓦埠晚泊寄止老

歸帆逐晴波晚傍青蘆宿漁村向夕幽倚篷看鷗浴壤

雲凝戰色沙草慘濃綠浮生等勞薪寸田荒難熟之子
抱微尙袖繫長生錄共此老大悲流年電光速別來渺
三秋烽煙事反覆丹砂訣易訛黃金命難贖寄言同志
人勉旃副腰腹

漢臘

漢臘孤村夜兵戈尙渺縣命懸飛鳥外心碎暮烽前堊
室猶吾土黃巾自紀年酸辛一尊酒和淚薦重泉

廬人歎寄懷制軍曾公

辛酉

皖城一棄久不收江淮南北無安流廬人九載坐塗炭
青烽白骨成荒邱長鑱吞聲草間活穿眼 王師淚成

敦良吉齋詩二

五十六

集廬草堂

血昨來兒童仰天笑舒桐真箇官兵到村翁醉舞拍銅
斗村婦壺漿不去手共道公親破皖來準備牽羊迎馬
首公昔官京師雲泥分隔通遙眷大匠徵才逮襪線公
之幹濟我略知千里神交不須面乾坤敲壓須人支管
葛著手風雷馳李唐再奠郭與裴韓范一出安西垂所
惜 朝廷柄公晚明光奏草無人窺大賢餘技事桴鼓
顧盼六合殊恢恢公早來廬人福我亦蒙床穩饘粥樵
斧漁竿易結束重理山中破茅屋免負東籬好松菊公
不來廬人悲我亦中夜揮涕淚山魃木怪不可依出門
十步九蕪藜麻衣展轉歷虎穴苦零幽碎無安栖我欲

去此將焉之金陵巨慙堅未拔蘇臺烽映邗江月壽陽
白棒連黃巾嘯聚長淮各深窟三楚門戶藉孤掌全皖
安危爭一髮隆冬風雪空山空凍雲阻絕南飛鴻似聞
旌旆移江東炷香再拜呼蒼穹倒懸未有廬人窮噫嘻
吁倒懸未有廬人窮公乎爲我紆花廳

愛民歌送吳騎尉之上海

同治壬戌

春夜宿吳騎尉行營營卒誦愛民歌袞袞可聽
歌爲今相公作以教士者時騎尉有上海之役
因歌贈而仍其篇名

愛民歌湘鄉相公之所作歌詞五百六十字字字簡明

敦良吉齋詩二

五十七

集虛草堂

具方略傳之楚南漸皖北句斷章零歌不得昨來皖水
觀仁風春鎗小隊歌玲瓏把酒聽歌倦忘臥相公能歌
客能和公之行兵若時雨旌麾到處咸安堵盡道曾家
軍令嚴誰識良工歌最苦爲君按歌因定譜厥聲爲宮
下生羽仁義之言中鉤矩君方妙年正英發笳鼓樓船
壯行色海雲萬里事叵測相公籌邊費紆畫卽看吳越
亦王人半隸耶蘇半成血愛民歌夜長蠟淚堆銅荷我
歌君舞月將墮側身四望青烽多丈夫許國要戮力相
公論戰先人和愛民歌歌再終東行好語諸將帥火速
成功報相公

官燭行簡諸局長

官燭官燭范蠡中莖脣寸足儲之軍械所分給忠義局
相公愛士敬忘疲心苦分明勸勤讀山中儒生日旅走
虎穴艱辛廢書久亂餘見此如瓊瑤虛堂四照青天高
晚欣書味勝梁肉秉燭未忍嬉游邀明夷在腹日見斗
燭兮伴我探義爻夜長眼花鐵檣斷半生日月嗟徒拋
忠義局局裏英髦半年少汗血追風能遠到兵戈鸞鳳
栖無處相公特地開賓署諸君撫景應有惜相公觀書
不嫌誤我歌官燭燭見跋北斗闌干挂殘月殘月高雞
未鳴枕戈人老雙涕橫

敦良吉齋詩二

五十八

集虛草堂

久不得英宿州消息

形勝連淮泗雄兼保靜軍一官仍落落羣盜自紛紛別
恨牽隄柳遙烽問暮雲昨宵逢驛使虎口異傳聞

皖城病起喜得汪芾庭書知其亂後妻子移置靈
壁芾庭仍客臨淮戎幕

風塵幾載不相見同是飄搖戎馬閒暫倚江城容病榻
乍開尺素破愁顏鹿門妻子欣還在雞肋功名付等閒
努力征鞍慎眠食好留老眼看青山

秋晚與金眉生都轉尋子偲誤入城東行數里遂
登酒樓遲子偲不至時余將歸合肥

散步得林邱轉折引幽賞我本農圃人雅志樂蒿莽城
東勝城南地僻景物爽連雲甲第灰野人家三兩君看
九州牧何似漁樵長酒樓面勢佳江山足俛仰秋陰霽
遙帆層峰片雲往涉川媿無能御風抱遐想之子期不
來結習在書幌去去各有役城頭暮籥響

龍泉采藥歌寄贈李兵部眉生

江淮連歲橫瑠戈龍泉老叟長奔波短衣塵鬢幸無恙
風塵未了將焉何李侯磊落人客裏相逢共傾倒皖公
臺畔一分手笑指東峰乞瑤草東峰高高入雲霧山人
舊識泉邊路綠林惡焰忒無情燒斷山人挂瓢樹朝行
龍泉頭暮宿龍泉寺琳宮金碧無一椽白石黃茆數僧
憩山僧款客夜燒泉嶺斷雲深鏡痕細懸知幕府地清
切椽燭當風攄大計彩筆遙欣一鳳鳴長塗久缺雙魚
寄夜長月好棲鳥定滿把青芝待持贈豹林丹訣龍宮
方我於李侯本無吝聞道江頭事非昨李侯定有匡時
略浩歌憶遠重惆悵我愛李侯好骨相不妨遲日作神
仙百尺凌煙要君上

葛家觥飲酒卽事短述奉貽相公兼別山中舊游

二首

葛家觥爲方山支麓咸豐四年余避兵家此八

年秋廬州再陷山中迭苦賊去年冬今相公以
兩江總督進復安慶余挈家出游遂依焉今年
余來山中瀕行鄰人置酒道別村曲語言猥雜
無文要其述德戒行是可歌也時同治元年秋
九月廿三日夜

草棚馮長溪靄靄西日光老農閔游子置酒瓜蔓旁鄰
曲歡笑言真氣溢壺漿老婦調魚羹老翁趣行觴酒闌
說相公舉手屬穹蒼自從相公來皇天屢降祥方春拔
廬州既夏甘霖翔豕豚亦已肥鵝鴨皆成行信是相公
力秋禾早登場君從皖江來相門長趨踰相公本天人
見說鬚髯長相公飯幾何頭髮應未蒼皇天憐我曹相
公長壽康庶幾長子孫勦力事耕桑

敦艮吉齋詩二

六十

集虛草堂

飲罷山月高犬吠喧溪流有客負薪來棗栗歡相投移
尊就苔磯咄嗟倒盆甌笑指溪上月今秋勝去秋去秋
苦賊來吞聲共潛游今秋君好歸憶我采樵不富貴亦
多門時來便公侯君歸旋復行僕僕將焉求貞女懷閭
冰老狐思舊邱吾衰心力短衣食殊拙謀相公禮數寬
滄海容一鷗低迷竊廩祿內檢常自尤中原莽豺虎孤
兒泣松楸去去勿重陳歸夢東山頭

自姥山放舟巢縣晚宿東關奉懷曾相公因寄其

令弟九帥江甯行營

鞞心瀉怒濤酒罷風忽便宿雨凍欲收波駛一颿懸湖
天烽燧消山村雲石蒨羣峰識游客百戰剩孤縣潰瘡
自庸醫覆水滿淮甸阡危近十霜戎馬局幾變湘鄉好
弟昆天挺濟時彥昨來春水生破賊手如電勝地喜再
經感時恨遙綫孤蓬信栖雞浪跡隨沙雁自嫌阜帽身
屢荷黃扉眷嚴關峙中流暝色積天半叩舷望新月宵
長路彌漫海裔久抱籟秦中亟傳箭河洛紛煙塵川楚
燼猶煽相公手龍韜江淮藉清宴平生許國心淚溼朝
衫偏賤子數趨陪深憂待羣獻大廈一木難雙旂萬人
羨白眉早著稱青驄欠通面懸軍虎口下裏創鬪仍健
竭聞雨花臺勝氣切霄漢摧鋒貴神速逆徒巧聲援尙
期諸將帥和衷效長算孤雲逝安歸故林老徒戀揮涕
望中興津梁敢云倦

皖江兩丐行戲贈獨山莫子偲寄呈相公并要鄧

伯昭同作時相公視師江上諸軍屢有捷聞

癸亥

天下之大數皖公相門高並天柱峰羣才連翩入夾袋
時有兩丐來趨風兩丐者誰何廬陽之東東山阿客有
披裘帶索而昂俄牧羊不了長奔波朝叩相公門暮飲
皖江水皖江去延江盤盤幾千里獨山老叟延江來把

臂相呼作知己黃扉跌宕擁千官青笠婆娑餘二士相
公顧之顏色喜海鳧弄羽紛煙塵皖南皖北翩戎旃朝
飲皖江水暮叩相公門郎當衫袖瘖不聲有口但索太
倉米有手怕請終軍纓相公不言客自憎昨者相逢鄧
夫子憂時涕泗江河傾揮杯笑問客何事客何所事兼
何能因吟陶公乞食句遂作皖江兩丐行兩丐頽唐世
所笑興來時作鸞鳳嘯兩丐之志天亦憐藥竈書堆儘
醉眠烈士銜恩感一飯兩丐捫心常竊歎尋常頌禱不
挂口所願相公惟不朽狂歌示莫還寄鄧故園風鶴愁
難問炯煬一火橐臬空賊鋒又逼廬陽東廬陽東偏好
煙樹負薪踏徧松閒路連宵歸夢繞巖扉屋角小桃開
仍故醒來病枕淚猶熱角聲吹曉皖江月皖江月好春
揚揚相公隻手扶天綱樓船料峭朱旗張八州健卒爭
騰驤江中魚龍識旌旆賊膽驚裂朱雀航野人連日歡
舉觴相公舉足賊盡僵投老歸哉長牧羊

英觀察自蒙城行營枉惠書問其言矜然有飄風

之懼詩以慰之因附陳賤況

飄風來去本無蹤閱世才知塞上翁義府刀仍嬉笑裏
留侯狀與婦人同好將長劍酬知己賴有賢王表戰功
潦倒鷓冠書未就故人老矣更癡聾

玻璃鍾養子子數頭攜贈江公子範堂卽送其歸

湖南

鍊就水晶骨織明勝玉壺偷閒養子子筋斗看盱眙海
客遠相惠孤尊只自娛瀟湘有歸棹藉以薦三閭

同楊見老坐月有懷龍泉故居

君家門外月清絕似龍泉相對意俱迴坐來光漸偏鳴
蟲答幽怨羈鳥怯虛弦何事同流滯烽煙不計年

撫孤行美湘鄉相公因示邵子齡子進兄弟兼柬

洪刺史琴西

湘鄉相公善撫孤高誼直與雲天俱汝曹安坐日飽食

敦良吉齋詩二

六十三

集虛草堂

前修勦力將何如我昔與汝翁氣誼相傾動冥漠乾坤
烽火成離索昨來見汝賽瓊枝幾次沈吟淚頻落汝兄
早疴病初起汝解讀書相公喜觀海應知百川隘爲山
要從一簣始昔賢辛勤事艱阻畫荻然糠不言苦汝曹
崎嶇脫豺虎微相公力奈何許汝翁存歿久未期俾伶
堂上悲此離家仇國難事爭了臥薪嘗膽今其時相公
於汝本父執手挽長江莫南岳三楚廝養豪俊流一時
賓佐文章伯東鄰洪老意疏爽書堂正好一籬隔事賢
友仁聖所訓况復趨承易晨夕撫孤行啼猿挂枝孤雁
鳴我歌未竟聲復吞天涯何處招迷魂

將赴皖守風湖千伯昭書來道其同江方伯有四
川之行亟圖面遂舍舟而陸塗間寄伯昭兼陳
方伯時同治二年冬十一月是夕宿集賢關

首塗問晴湖尺書忽飛至披函疾讀之慘澹數行字上
言之巴蜀崎嶇報高誼下言見面難雲飄故相遲磐磐
方伯公屏藩軫凋敝幕府羅俊英君材優眾器至寶落
蠶叢雲山况迢遞矢言定重逢重逢究何地倚裝夢容
暉寒檠一星翳

少年輕別離老去苦憂患每聞傷心語掩耳輒腸斷君
言劇酸哽我心久零亂進帆怯風濤奮飛惜羽翰舍舟
覓巾車嚴霜夜中飯啖啖缺月光錯道天已旦孤鴻爾
何悲雲端切相喚行行辨遙村殘雪路迷漫袖中一札
書展轉風櫓看

鮮民寡弟兄性命託朋友醕風歎久澆雞狗誓何有異
時同志人零落骨俱朽與君晚結交傾懷期皓首君亮
箴我頑我幽藉君剖嘯歌戎馬中真氣驚北斗亭亭滄
江雲颯颯長亭柳柳枯猶復春雲飛不可肘再拜祝石
尤待我餞尊酒

晨經古戰場廢壘倚突兀早日如車輪迴風動精魄憶
昔方伯公風雪此除夕

廬州三河鎮爲皖中孔道咸
豐五年冬方伯駐營河右

連

營列旆高明，鑿爛長戟。我時倚醉歌，熊羆動顏色。屢蒙禮數寬，曾賦河梁別。公來何太遲，公行何太疾。自媿受恩偏，舊是睢陽客。無物送公行，沈吟淚成血。廬陽去皖江，三百六十里。皖江望成都，千山復萬水。我行日兼程，相隔幸尺咫。大龍橫遙空，澄光互青紫。登高睇長江，英雄都已矣。羊公儒將姿，叔度天下士。吾衰失兩賢，悲歌向誰是。低徊宿叢闕，憂來不能已。長吟輟粥，餽短吟倒坐。起長吟復短，吟人生感知己。

寄別言卓林大令太湖

寄家皖公旁，夢想天柱峰。賢令布嘉政，弦歌山水中。訟

敦艮吉齋詩二

六十五

集虛草堂

庭儼僧寮，檐際飛嵐濃。兩茗草木香，丹台光熊熊。自從謫仙去，高原弔寒蟲。平生抱游興，衰病甘疏慵。械悲付雙鯉，浩歌望郵筒。

金陵寇已平，吳越兵漸休。邨愚易風鶴，賊知元道州。想當陟屺思，夢遶萱庭幽。昨者問阿季，暫作龍舒游。高堂將禪孫，看花扶玉鳩。似聞烽火磯，警接桑落洲。賢勞古所歎，何以慰離憂。

久客思故林，歸帆趁秋便。我衰就屠釣，君才困州縣。謬承兄事敬，豈第文酒繼。乍見動相訶，遠別愴多戀。顛倒方寸心，堤月踏俱徧。潛霍又戒嚴，楚豫尙酣戰。迢遙滄

江波何時重相見

口號寄魯川太守

龍泉老牧屢思家賢守循聲眾口誇恰喜龔黃新莅郡
況聞江海靜鳴笳故山別久芝應長官舍秋高菊有花
準備壺尊候顏色麾前可許駐柴車

皖江秋歸奉別曾相國卽送其之金陵兼貽伯昭

蜀中

昔我賊中來風雪衣懸鶉今我別公去孺婦言笑温言
笑者云何江湖靖煙塵賊平萬物樂歸我東山村家具
可一車圖史兼周秦裘褐亦麤完抱中新有孫買舟皖
公口回眺天柱尊朱旗俯層霄大江日夜奔飄然數口
家劫後嗟猶存常擬報一飯况懷辭大臣沈吟杜公語
感歎徒沾巾

敦艮吉齋詩二

李六

集虛草堂

金陵甲天險龍虎鬱盤踞草竊踰十霜微公國全誤令
弟本人豪諸將稟成署看公談笑閒江山手重鑄漢封
首鄴侯唐業光裴度迢迢姥山雲森森秣陵樹我歸公
亦行潛岳青如故天地漸昭蘇島夷尙盤互野人飽烽
火心枯怯歧路曉日照節旄念公髮將素敬祝棟梁身
臨戎慎霜露

故人遠相憶邀我游峩眉峩眉路修阻逝將還舊居君

行就我訣我歸君未知流宕一病夫遠勞故人思大盜
昨成禽洗兵倒天池草木慶再生猿鳥懼相啼好風吹
歸舟是君登高時狂吟遂初賦擬製浯溪碑浯溪筆力
雄誼古今難追蜀門雙游屐巢湖一釣絲安得君再來
看勒磨崖詞

將發皖江寄懷潘玉泉吳門兼報位西之喪位西
家口見寄存湘鄉公所其伯子歸尋遺骸久無

確耗

早辦扁舟去布帆猶未開秋風吹皖水落葉滿蘇臺擬
問烏衣巷同銜白玉杯相門槐蔭大我愛白眉才

敦艮吉齋詩二

六十七 集虛草堂

一死豈云易故人碧血寒不羞吾黨士自遂古心肝泉
下論交切孤兒行路難拌將數行淚浩蕩付奔湍

買牛

我居賊早燔我羊賊盡屠我歸耕無牛東作宜早圖
勉倒囊橐借貸供鎔銖維時月孟冬曉日明村墟田夥
掉長鞦鄰父爲前驅我牛龐然來權聲動門閭袞裳走
相迂挂額紅流蘇老嫗喜牛來隔牆送新芻小奴喜牛
來負鍤忙糞除鄰里相聚觀道牛骨相殊短角絕有力
天壽懸岐胡歧胡信壽徵足以慰老儒

牛來須謁社謁社神降康稽古無明文鄉俗尊農祥今

晨黃道日呼兒具酒漿薦馨神座前牽牛神樹旁鄰父
前致祝俛仰聲慨慷早生太平世老閱烽火場有客遠
來歸寄跡東山陽亂後牛亦稀牛稀價倍昂惟神宏大
福我牛無病殃祝罷拜神胙村曲同舉觴蕭蕭草樹鳴
風雨橫蒼茫何以保歲寒力勤以爲常

山中冬晚馮觀察書來盛稱鄙作且問壽春之行

因賦答兼簡芾庭

飲牛東溪幽有客披榛至開槭讀素書再拜故人寄故
人自忘尊存問到萌隸隸也無一能歌詩自適意本是
耕田民飢走兵戈際憔悴焦桐音微公亦投棄悲來叩
樹歌暝色下牛背牛飢顧我鳴牟然念其類

敦良吉齋詩二

六十八

集虛草堂

早誦季路言一諾今還欠豈不感別離衰病腳根倦昨
歸又旱乾松朮飢可戀故人領繡衣旌麾攝淮甸逋亡
獲創歸版圖喜新奠欲躋公堂祝長途畏霜霰啟行指
孟春雲山倍葱蒨因之慰汪倫花時準相見

夜坐漫題寄芾老再投馮觀察

空庭風雨忽然罷酒熟茶香雙玉瓶一事思量君記不
遯泉欠勒遯泉銘

陶公五牒亦多事李耳千言殊費詞我自牽牛東澗去
水聲山色坐忘飢

戎馬奔波此暫停故山非復舊時青別來十一年中事
待汝尊前灑淚聽
薄田夏滂復秋乾賴有雲鴻慰歲寒一角煙蘿眠未穩
又從人世索豬肝

寄英廉使霍山行營

武陟峰前戰氣高兼天岳色擁旌旄漢庭將略歸虞詡
淮甸長城倚石苞曾奉清言知幹局屢煩折簡到蓬蒿
磨崖會趁春風便濡染中興汗馬勞

早行 乙丑

破曉問前路高原人已耕斷橋雙澗合殘雪一峰明華
敦良吉齋詩二

六十九

集虛草堂

髮老將禿丹砂久未成因知沮溺輩不肯近浮名

將抵壽春途中書事

壽陽自古稱雄鎮戎馬飄搖今又來沙草綠連關嶠暗
野花紅傍鬪饑開羅平符命妖能語請室雷霆力可回
極目烽煙徧淮北謝元祠宇久蒿萊

東禪寺贈沈學博寰周

客邸周旋久識君木屐聲披帷成一笑佳釀每同傾月
午松陰大鐘高佛火明偶然談浩劫戎馬已三生

贈方處士希孟兼寄馮觀察

君才真倍我寄食向旃檀得句有神助借書同佛看雲

霄千古志蘆被一春寒聞道吳廷尉平生喜薦賢

昆盧閣戲成五絕句六首

閣上數重山閣下一龕佛好箇醉頭陀鐘鳴睡常熟
髡者愛說法著書滿寰中其妙果云何笑倒南華翁
剗卻土饅頭擎著木念子開關不到處渠亦振奇士
地水有壞日火風無盡時種蓮烈焰開結子青離離
萬事如轉丸愚者故冰炭可憐于襄陽老作黑風漢
得馬馬旋失養狙狙頻怒何如跨犢歸自檢寬平路

病中送王紫垣之徐州戎幕余亦反東山田舍

病久忘春盡鶯啼花亂飛來淮新戰壘送老舊蓑衣西

敦良吉齋詩二

七十

集虛草堂

楚徵兵疾東林訪舊稀昨宵筵上月兩地共晴輝

大潛山房歌寄贈劉軍門省三

大潛山在城西百里初不著其原委土人曰戴
巾山云案圖經潛山廣二百餘里周倍之有峰
二十二嶺八厓五漢郊祀志上巡南郡登禮潛
之天柱山號曰南岳於時注爾雅者援以釋則
潛之名南岳也久矣寰宇記皖水之源霍山入江
今霍山故楚潛縣地春秋時縣犬於郡顧氏云
潛皖霍各名實一山也余嘗準之地形潛山實
跨連今皖桐霍山並合肥西境往時故老爲言

郡城西坡陀互府縣治益東始夷故縣人廟祀
潛山之神余忠宣所謂天作潛阜以奠其旅者
此也茲山房所直蓋潛山支脈伏而特起者耳
余偉軍門行誼又以歎名山原委久鬱弗章故
書贈且詒遊者

大潛山胚胎南岳形穹窿扶輿蜿蜒遞隱見異軍特起
魁然欲與天柱武陟爭英雄旁匯龍池凌紫蓬俯摩蜀
山頂橫截巢湖胸嵐淨翠吸際雲表聞道山房築來好
兵戈到處生秋草金谷灰沈石林倒天教名將占名山
忙裏抽身計殊早劉侯奇俊人文采亦英妙皖伯臺前

敦良吉齋詩二

七十一

集虛草堂

一相遇貔虎叢中見孤豹血戰頻摧白棒鋒拂衣愛放
青林嘯秦隴紆籌有諫章河山攬轡空馮弔散盡黃金
赤手歸故園松竹仍青峭黔南事久非涅西烽正緊毒
蛇魍魎伺庭戶抱火厝薪競酣寢我老無成戀一邱朮
肥菊瘦聊淹留坤輿歛仄費整頓長牽何事羈驂駟君
侯慷慨抱孤憤忍看滄海終橫流懸知巖扃鬱深念丹
崖碧水未足消煩憂東臯禾黍欣有秋病心不樂歌夷
猶柴車有便準相訪痛飲大潛山上頭

敦艮吉齋詩存補遺

合肥徐子苓西叔

摺扇歌寄酬宮農山太守兼簡譚大令西屏

扇爲農山所贈旣自錄其舊作龍泉歌譚君西

屏復爲之圖農山別已數稔未嘗一至余家而

譚君與余無一面之素其畫筆蒼古若嘗身歷

余山中者案其款識蓋作於郵坊軍次云吁是

皆可感也已同治癸酉春三月誌於皖江客次

延安太守遠相念遺我摺扇光磨礪坐看行吟日忘倦

出入懷袖生清風龍泉有何好老牧更無狀譚君作圖

敦艮吉齋詩補遺

一

集虛草堂

君作歌巨筆高情拂雲上亂日常多治日少洛陽園林

迹如掃況是野人破草屋劫火零星數椽小年來花裏

拓出巢屋角青桐亦將老怪哉譚君我未面我家雲樹

如親見定是前身泉上過石頂松閒同吟哦江城春好

歸未得慙媿龍泉泉畔月記昨穎濱送君別草碧烽青

此時節一麾坐閱瓜期久聽說循聲滿人口五馬軒車

不自聊苦憶山中牧羊叟秦中四塞臨羌夷回鶻種孽

勞王師延安地瘠天西郵郵坊更在延安西病夫頽

唐齒髮稀此生相見終無期摩挲摺扇三歎息我欲奮

飛無羽翼

釣罷經南村晚飲聊短述

釣罷經南村東峰澹將雨蘋花幽自開林禽樂相語偶
從池畔酌晚晴褪殘暑回環眾壑幽溼雲互吞吐投老
暫田園浮生半羈旅持竿豈羨魚桃源渺何許

孤鳳引

并序

爲壽春李節母柏太恭人作壽春古淮南地節
母志行奇偉而雲珊崎嶇戎幕力勤孝養皆可
歌也因事命篇待采風者

淮南丹桂樹上有孤鳳孤結巢養雛口卒瘁一雛中道

天一雛高飛凌天衢

解天衢高天聽卑雷霆冰雪不損

敦艮吉齋詩補遺

二

集虛草堂

西陵松柏姿修德獲報天不欺君不見李家太封君昔

者茹苦今含飴

解茹苦惟何贈公早歲嬰沈疴露香中

夜明金荷刀光血影呼呵偉哉太封君一臂之力功

比參苓多

解一臂創合矣贈公起海上烽青戰雲紫丈夫

安事毛錐子不入虎穴焉得虎子長劍高歌別鄉里

解一

瓦卦竹卜燈花四爆青燐夜舞鬼車哭元戎輿尸一軍

覆生爲萬夫雄死隸太山錄魂兮歸來海水獨漉

解一孤

雲無依孤木無陰嚴霜催慈姑荒山負土愁猿吟海可

枯石可爛古井水輾轆斷

解造化遼闊時亦育妬罡風

何來折我紫荆樹一枝留作兩家春遶樹烏啼盼天曙

嚴寒歷盡見熙陽百尺靈萱介遐祐解駢只老福而康

令子策勛盾墨用光祚祚諸孫鵠峙龍昂是惟太恭人

之德子孫緜如石上葛解昔在孔門一經垂教夙興夜

寐聖有明告勛哉君子錫類惟孝君不見迢迢春暉寸

草心長莫能報解一

江上寄兒子源

偶憑歸羽報平安門戶蕭條賴爾看插架書防蟬易種

近堦芝許鶴加餐池坳待補荷千柄籬缺宜添竹數竿

老矣而翁猶健飯袖中新合九還丹

壽春別李耘珊時撫軍贈四鶴

敦良吉齋詩補遺 三 集虛草堂

李生善待客客與鶴同來瘦竹碧逾淨霜花紅自開園

林都浩劫魚鳥亦須才浩宕浮邱駕湖干有釣臺

悼鶴 并序

鶴來余家甫一夕而斃先是奴子不戒於途創

其脛而是鶴雄而健啄奴子故減其糧比卸裝

夜雪寒凍感飛光之不留痛靈禽之遽化雖幣

闕玄黃而情逾帷蓋爰瘞於龍泉精舍西隅之

梅樹旁歌小詩以弔之

老天未許翔寥廓纔賦歸來又楚些浩蕩于峰明曙雪

酸辛孤豕傍梅花滄桑乍覺堯時冷泉石應憐處士家

欲向焦山尋斷碣大江東去浪淘沙

席帽

西風動歸興席帽早安排軟稱蘆花被輕宜杜老鞋故人方建節吾道自丹厓便踏柴車去彈冠非我懷

遺園口號

一別一回老君家幾度過舊時兒盡長新種樹交柯難共夏蟲語且尋春夢婆遺園好風景切莫負雲蘿

雪夜讀劉軍門省三小船詩因書其後用漁歌子

體五首漁歌子總五首世所知者西塞山前一

首耳志和生唐開元全盛中值世變嘗上書肅

敦良吉齋詩補遺

四

集虛草堂

宗得一官棄去浪迹以終憲宗高其節圖形禁中購求其所爲漁歌子者既久而不能得逮衛公刺潤州時始采而傳之且爲之記省三疾流勇退操行不減古人然當吾世而能知小船詩者亦鮮矣是可歎也久病眼日閒小差既錄稿因識亦衛公記漁歌子之微意云爾光緒元年

四月并識

風雪連宵想睡遲擁爐欣誦小船詩拚馬革汎鴟夷爭及桐江一釣絲

黑頭建節擁彫戈百戰歸來問薜蘿拍銅斗辭漁蓑小

船畢竟少風波
鷺鷥接翅海鳥飛曉日朦朧凍影微官田稭首山薇惆
悵榛苓淚滿衣

大潛西望路迷漫積雪層冰逼歲闌歌進酒歎路難何
日相從把釣竿

風潮起落本無常皋諾林盟要主張燭將跋想未央請
君聽我歌滄浪

謁包孝肅公遺像

十八歲作

包公今不作荒祠踞城腹小橋流水幾人家古柏寒松
隱茅屋入門下馬讀殘碑新蒲垂帶照人綠公之正氣
襟帶閒我瞻遺像中心肅嗚呼君不見王安石眼旁多
白骨乃使神州長覆沒公之治績古所傳至今清議存
樵牧我輩玩讀古人書莫使勳名長碌碌平梁至今數
百年爲問何人繼高躅

敦良吉齋詩補遺

五

集虛草堂

敦良吉齋詩存補遺終

捐贈者

文化局撥交何燧捐書

冊數

22冊

資料 10

冊號

59

1955年2月

